

東盛和債案報告

五



314
43
1



東盛和債案報告卷十二目錄

廣東葉商產業事 香港榮新貨款事

盧明之由粵來函

盧明之由粵上總行監督稟函

盧明之查辦葉商廣東產業情形清摺

關鶴舫上粵督稟

關鶴舫上粵督稟

關鶴舫上粵督稟

委查廣東葉產委員呈覆粵督稟

番禺南海二縣查封葉兩田產業清摺

廣東商務總會照會番禺縣文

香港榮新行代售怡昌貨倉東盛和油壹斤兩價銀各項清單

東盛和債案報告

卷十二目錄

廣東商務總會核驗正泰興呈繳方姓股份事

廣東商務總會核驗廣來米埠繳簿報股事

廣東商務總會核驗集處廣來米埠提股事

廣東商務總會核驗集處遠隆花生店與廣德泰合股事

關鶴舫致南海縣函

葉兩田北村黃竹歧田畝村名坐落戶籍圖甲佃人姓名清摺

葉兩田怡昌貨倉碼頭原置地畝價值起造工程清摺

委員周冕為葉兩田產業事由粵來函

關鶴舫由粵上總行監督稟函

香港大德通四家控榮新東盛和欠款銀數單

廣德泰葉兩田廣東各號應繳生意股本銀數單

關鶴舫來函



營口大清分銀行

關鶴舫來函

關鶴舫來函

關鶴舫來函

關鶴舫來函

關鶴舫來函

營行致商務總會函

商務總會覆函

葉亮卿上商務總會稟

恆義利等四號上商務總會稟

委員接辦葉商債案廣東事宜委劉

營口商務總會舉代表赴港追提榮新款委託書

營口商務總會舉代表赴港追提怡昌泰款委託書

東盛和債案報告

卷十二目錄

一一

營口大清分銀行

葉亮卿呈港督稟

營口恆義利等四號上港督稟

牛莊英領事致香港輔政司函

牛莊英領事致香港輔政司函

牛莊英領事致香港尊臣士得時馬士達律師函

包利律師致香港輔政司函

香港輔政司致牛莊英領事函

李君霈來函

委員周冕由香港來函

委員周冕由香港來函

榮新開列各項欠款銀數清單

委員周冕由香港來函

商務總會來

香港榮新行致營口粵東會館函

委員周冕由粵致營口商務總會函

桂陽貨款案議結辦法

關鶴舫由北京來函

前營行協理關鶴舫在粵辦理債案情形節略

商務總會來函

覆商務總會函

營口粵東會館來函

覆營口粵東會館函

營行分致道廳商會函

東盛和債案報告

卷十二目錄

三

營口大清分銀行

盧明之由粵來函

昨上電計邀覽卽維蓋猷卓著爲頌粵產怡昌棧房屋碼頭至多值銀拾萬餘兩查閱棧中存黃菜豆約三千五百餘石存豆油二千零八千餘石共約值洋四萬元英領事出爲交涉謂係香港榮新關佐臣寄棧之貨旋經安帥照會港督并請查榮新德成兩號是否與廣德泰東盛和聯號大約棧貨不致爲榮新索去地方官恐貨霉爛擬卽變價銀暫存公其餘查得省城聯號兩家附股亦屬無幾尙有芳村葉氏祠堂一所至多難值二千元總計以上所封之產約值十四五萬金此外別無他產可封矣昨有粵紳馮君次台與葉兩田有親戚據說葉營口有地皮約值銀二百餘萬祇在正金押銀三十餘萬兩日人垂涎該產已久葉姓不肯賤售請京電達尊處此項產業是否已與正金接洽希卽示復其餘營行共封葉產幾何統望詳細示知爲盼域多利亞輪船早已遠颺并聞尙有貨船數艘避在港澳中國官無從查封雖有力量亦難著手頃晤張弼士太僕謂葉兩田父子此次倒欠五百餘萬兩通盤核計所虧不及百萬將來似易辦結業囑七十二行商公尋葉兩田先託代表人出場料理又云接到營口電報現有多人卽日來粵辦結葉事之說俟其到來看其議論如何再行電京請示辦理尊處現在辦理情形亦求示知俾有成竹在胸仿行似尤妥洽此間天氣熱燥單衣不嫌其涼暈悶甚爲難受營口已雪地冰天重裘不煖弟曾消受尙祈隨時珍重爲幸此請台安

東盛和債案報告

卷十一

一

營口大清分銀行

盧明之由粵上總行監督稟函

監督大人閣下十九日會上燕函計邀藻鑒二十一日到督署敬讀鈞電隨借委員薛紹軒大令前赴香港夜間登岸旅鹿角酒店次日至威靜生律師處問答意主控告後至夏斯太律師處意主先查而後控并請體面華商同至華民政務府查榮新係關奇藻一人註冊德成係朱子卿一人註冊均無葉雨田父子之名在內嗣又遍查各檔冊均無其名據商家云榮新德成兩號葉雨田原附有股聞於上年十一月間卽行註銷又有房屋一所押在葉雨田名下計銀拾萬兩亦同時更名轉戶等語二十三日到太古查桂陽輪船之貨初十日已經榮新憑單起卸船已開往他處大沽并未進口籌畫再三無從入手二十四日同薛大令拜會九龍關稅務司巴爾君將以上情形告知詳詢妥善辦法當據巴君云西例控告必須先有憑證榮新起卸桂陽輪船之貨係憑單向太古提取今若無憑控告亦屬無益最好設法先向榮新德成用柔軟手段探取實情如得有憑然後再控是爲上策凡屬律師皆主人訟彼

東盛和債案報告

卷十一

一

營口大清分銀行

圖得費不管反坐徒認堂費被告又要索賠扣貨滯銷之利息千萬不可輕舉妄動等語隨卽托人向榮新德成兩號善爲說項二十五日德成經理虞姓到酒店談吐甚爲和平榮新答復謂東盛和所裝桂陽之荳已經憑單起卸此項貨物并帶有應解港商匯單所多無幾尙須歸還欠戶據其所說此貨似是押匯然不應又至省城報關而後駛回香港起卸其中詳細情形難以深悉最好請派營行關鶴舫隨帶葉亮卿確切憑據到港向榮新德成交涉庶幾稍有把握也怡昌棧所封油荳英領交涉未清不能變價奈何奈何粵省扣產至矣盡矣無可再查究竟營口扣底若干乞卽示知爲幸專此布陳敬請鈞安諸維垂鑒

盧明之查辦葉商廣東產業情形清摺

計開

一廣來米埠葉兩田附股一千兩尚有餘利四百餘兩應請商會如數照提

一廣來米埠內有葉務本堂附股一千兩現有孀婦葉勞氏稟稱與葉兩田無涉應請商會詳細調查

一廣來米埠內有葉星槎附股五百兩查葉星槎係在廣德泰司帳并聞於該號亦附有股所占廣來股本及餘利應請商會一律照提

一正泰與方卓橋附股五百兩現據該號稟稱方卓橋與伊孀嫂各占一半恐係事後飾詞應請商會調查

一遠隆內有廣德泰附股一千兩并聯號寶裕隆德記兩號各占股本一千兩應請商會一律照提

一遠隆內有廣逢合名下存銀二千七百餘兩已經商會提到二千兩茲據該號聲

東盛和債案報告

卷十一

三

營口大清分銀行

稱其中尚有轉轄應請商會詳細核辦

以上係由南海縣查封發交商會已稟請督帥照會商會核辦

一北村鄉葉兩田父子祠屋一所共計四十三間內無他物係由番禺縣責成工人

林錫看守

一大涌口怡昌貨倉碼頭一座計棧房十號每號二間外賬房廚房二間傍有空地

一方租與煤棧統由廣州府查封番禺縣派差看守

一怡昌棧內存黃綠豆約三千五百餘石豆油二千八十餘石前據香港榮新稟係該號寄棧之貨嗣經番禺縣傳訊榮新延不到案顯係捏詞已稟請督帥將此項油豆發交商會秉公變價

關鶴舫上粵督稟

敬稟者竊營口東盛和於去年十月間倒閉計欠借戶部銀行營平銀八十萬兩查東盛和去年九月底有營口裝載桂陽船來廣州荳油 擔荳子 擔於到廣州時未曾卸載即另行報關裝回香港共計提單三紙該貨皆由香港榮新行代爲經理葉亮卿曾允將該貨價銀充還戶部銀行欠借卑職在營將副提單三紙並東盛和葉亮卿等公證信據帶至香港與榮新行接洽據榮新行云該貨統共售價除費用外尙存十三萬餘圓現因大德通等四家在港控告已經港官將該款提繳公堂存儲非將大德通等四家案註銷不能提回此款清付等語查大德通等四家來港與榮新行要索該貨價銀並無東盛和葉亮卿等筆據榮新不肯承認是以涉訟卑職既已帶有東盛和葉亮卿等筆據該貨款自應由榮新交戶部銀行收付帳欠可否仰懇憲恩俯賜據情照會英領事轉咨香港總督暨香港按察司查照飭大德通等銷案回營清理俾戶部銀行可以早日收領該款是否有當理合稟陳憲台鑒察恭

東盛和債案報告

卷十一

四

營口大清分銀行

肅燕粟敬叩福綏

再據榮新行司事關冠時司帳關佐臣面稱榮新行有廣德泰股本銀二千元有葉亮卿股本銀三千元查廣德泰東盛和均係葉亮卿所開榮新行既有股本似應交出爲葉亮卿清理欠帳伏乞俯賜存案

計抄呈東盛和葉亮卿證信摺一扣

粵督批

據稟已悉查此案前准東三省督部堂奉天撫部院咨送葉亮卿親筆證信當經照請英總領事官轉致港督飭屬將桂陽輪船運港之油荳等貨物及葉商股本分別查明封存列單見復核辦並將榮新行司理人關冠時吞沒佣款各數究追在案現稟以該貨業經變價除費用外尙餘十三萬餘元現因大德通等號在港控告經港官將該款提存等語候照會英領事官轉致港督飭屬查明將提存貨價及將葉商各股本一併提出列單見復以憑核辦至大德通等號均屬華商應

令回營控候清理并候照請飭令遵照仍請將關冠時前吞佣款各數究追轉送
給領可也飭即遵照繳

東盛和債案報告

卷十二

五

營口大清分銀行

關鶴舫上粵督稟

敬稟者竊營口東盛和去年倒閉虧欠戶部銀行借款前蒙憲恩將東盛和自置大涌口怡昌貨倉內所存荳子荳油及葉雨田所占廣來米埠等各號股本查封在案今怡昌倉內之油荳等經番禺縣飭令榮新號代爲售楚約得價銀二萬餘兩又廣來米埠等號股東已繳銀五千餘兩尚餘廣德泰占有遠隆花生店股本二千兩屢催未繳昨經南海縣照數勒追惟所售怡昌倉內之油荳出貨交銀尙須約遲半月方能清楚卑職屢接電報催回營口未便久候可否一俟所售貨款收清懇乞憲恩飭將該貨款及廣來米埠等號繳存股本一併匯交上海戶部銀行收存以備提還公款實爲德便至來港桂陽輪船之貨款在港成訟現已提回營口歸案辦理合併稟陳伏乞憲鑒察核批示祇遵

粵督批

東盛和債案報告

卷十一

六

營口大清分銀行

怡昌貨倉所存油荳既經番禺縣飭令榮新號代售清楚約價銀二萬餘兩本應如稟匯交上海戶部銀行收存備還公款惟前項油荳前據榮新司事關佐臣稱係該行運省待沽之貨榮新行雖有東盛和股份誠恐股東不止一人原議將變價銀兩交總商會轉發股實銀號暫存生息俟將來定案再飭總商會提出銀兩分別撥交似宜仍照原議辦理以免輾轉至廣來米埠等號股本已繳銀五千餘兩又廣德泰所佔遠隆花生店股本二千兩應俟由縣催繳齊全稟覆到日再行匯解其桂陽輪船貨項昨准英領事轉接港督回文謂須由中國官赴港主控乃可辦理業經電達度支部銀行監督酌奪來稟謂在港成訟現已提回營口應候營口歸案核辦可也飭卽知照仍候札飭廣州府督同南海番禺二縣遵照辦理

關鶴舫上粵督稟

敬稟者竊營口東盛和去年倒閉虧欠戶部銀行借款前蒙憲臺將東盛和自置大涌口怡昌貨倉內所存荳子荳油及葉兩田所占廣來米埠等各號股本查封在案今怡昌倉內之油荳等經番禺縣飭令榮新號代爲售楚約得價銀二萬餘兩又廣來米埠等號股本已繳銀五千餘兩尙餘廣德泰占有遠隆號花生店股本銀二千兩屢催未繳昨經呈請南海縣照數勒追惟所售怡昌倉內之油荳出貨交銀尙須約遲半月方能清楚卑職屢接電報促回營口未便久候可否一俟所售貨款收清懇乞憲臺飭將該貨及廣來米埠等號繳存股本一併匯交上海戶部銀行收存以備提還公款實爲德便至香港桂陽輪船之貨款在港成訟現擬提回營口歸案辦理合併陳明伏乞憲鑒察核施行

東盛和債案報告

卷十二

七

營口大清分銀行

廣東商務總會核驗廣來米埠繳簿報股事

關明東廣來司事順德人

昨准南海縣函稱營口東盛和商葉雨田亮卿父子倒欠官商巨款除將該商產業查抵外其廣來米埠雨田父子兄弟均有股份將該埠數簿移請確核茲弔驗原立合同該米埠生意於二十六年始創係葉允生關明東趙曉東三人攪手以關明東爲司事當日集股本一萬一千兩內有廣德泰一千兩葉允生一千兩葉熙庭一千五百兩葉星槎一千五百兩其餘六千之數均屬別姓查葉允生係雨田至親同胞該股本銀應與廣德泰股份悉數提繳其葉熙庭所占之股據米埠司事聲稱與葉雨田同堂五服之親實無干涉至葉星槎之股更爲異鄉異祖迥不相同當將該米埠股份情形博訪衆論均屬分門別戶者且核其所呈各簿亦概無掩飾惟廣來歷年總結溢利八千餘兩其本年月結計至九月確係虧缺數千連前比較實存溢利三千九百六十餘兩既據稟繳數簿亦已逐細覆核則廣德泰及葉允生共二股按照溢利每股攤派三百六十兩應歸併而計該廣來埠宜亟將廣德泰葉允生股本連溢利共繳銀二千七百二十兩另繳廣德泰往來數存儲廣來銀一千四百零九兩八錢似此核實相符可速將該股款項悉數繳縣核收可也

東盛和債案報告

卷十二

十四

營口大清分銀行

番禺南海二縣查封葉雨田產業清摺

計開

一 番禺縣屬芳村大涌口怡昌棧一間 此係番禺縣查封

一 南海縣北村鄉葉秀山祖祠一間 計房屋九所此下係南海縣查封

一 廣德泰鐵路股銀四十元

一 葉雨田鐵路股銀一十元

一 廣來米埠廣德泰占股一千兩葉允生占股一千兩 以下均由總商會代查

一 遠隆花生店廣德泰占股一千兩 又長儲銀一百七十四兩 又廣德泰聯號

之蕪湖幫寶裕本銀一千兩 鎮江幫德記本銀一千兩 又廣德泰引薦廣逢

記存有銀二千五百四十七兩四錢一分

一 上海廣德泰股東方卓橋在沙基夥開廣興花生店內方禮耕堂之股卽方卓橋

名下占有股本銀五百兩

東盛和債案報告

卷十二

九

營口大清分銀行



廣東商務總會照會番禺縣文

爲照復事茲准貴縣照會以奉本府轉奉督憲批怡昌貨倉沽出油荳價銀二萬七千一百餘兩及葉雨田所占粵省股本提存銀六千四百餘兩一併解交上海度支部銀行備還公款照會商會將以上兩款提交商號分作兩家匯解仍將銀數起匯日期匯商字號約某日匯到情形照復以便轉報等因查葉雨田等股本銀兩已於本月十九日交源豐潤商號匯解上海度支部銀行兌收除匯水三百三十八兩零九分外實解銀六千一百二十四兩七錢九分即經開列清單照會南海縣查照稟報現定期本月二十三日再將沽出怡昌油荳價銀分交新泰厚義善源大德通三商號匯兌准於六月初十日在上海交收爲此另列清單照復貴縣卽希查照轉稟辦理須至照會者

附清單一紙

東盛和債案報告

卷十一

十

營口大清分銀行

香港榮新行代售怡昌貨倉東盛和油荳斤兩價銀各項清單

粵東大涌口怡昌貨倉所存營口東盛和荳子荳油一項去年經官查封在案惟存貯日久致有變壞若再遷延更復不堪前經稟請督憲飭縣會同商務總會早日公估價值發售旋由番禺縣派委會同商會詣倉驗明該貨成色復再集眾公估價值由番禺縣仍飭香港榮新行代售所有發貨等項由商會派員監視茲將該油荳所售價值及舫兩各項均照商會清單列後

計開

一 沽出清油一十六萬五千六百零八舫 每百舫合十兩零四錢算 應共沽銀一萬七千

二百二十三兩二錢三分二釐

一 沽出油渣一萬三千七百三十舫十二兩 每百斤合四兩三錢算 應共沽銀五百九十

兩零四錢二分二釐

一 沽出白荳二十五萬七千六百二十九舫四兩 每百斤三元三毫五仙算 應共沽銀

東盛和債案報告

卷十一

十一

營口大清分銀行

八千六百二十六兩零一分七釐

一 沽出菜荳三萬八千八百一十七舫十二兩 每百斤四元四錢算 應共沽銀一千二

百二十九兩七錢四分六釐

以上四柱共計銀二萬七千六百六十九兩四錢一分七釐

支費列後

一 支落油十七萬九千餘舫 每擔三釐二毫算 共合銀五兩七錢三分九釐

一 支落荳三十九萬餘舫 每擔四釐算 共合銀十五兩八錢五分一釐

一 支貫油喉小工七名 每名三錢六分算 共合銀二兩五錢二分

一 支清油倉小工四名 每名二錢六分算 共合銀一兩四錢四分

一 支散僱小工三十六名 每名二錢四分算 共合銀七兩九錢二分

一 支榮新行扣沽貨南北行佣 一分五釐算 共佣銀四百十五兩零三分

一 支府署范委員經手雇工絞起怡昌碼頭沉橋費用共合銀四十八兩九錢六分

一支來往小艇飯食使費

共銀二十八兩二錢六分六釐

係監製出
實人員用

以上八柱共支去銀五百二十五兩七錢二分六釐

除支外應存銀二萬七千一百四十三兩六錢九分一釐

東盛和債案報告

卷十二

十二

營口大清分銀行



廣東商務總會核驗正泰興呈繳方姓股份事

方濂浦係正泰興司事鶴山人

營口東盛和倒盤欠外巨款現准南海縣函請調查沙基正泰興係方氏所開有合股廣德泰應行查抵并將年結合同簿移交前來當即與核合同簿內有方永翠堂股本一千兩方述善堂股本一千兩方積厚堂股本一千兩方禮耕堂股本五百兩惟據該店司事方濂浦指稱永翠堂股份係方善亭所占述善堂股份係方濂浦所占積厚堂股份係方偉卿所占祇禮耕堂之五百兩確係方卓喬與其兄二人所占覆核合同底簿蓋章掛角屬實查其簿內所載約章股東之方善亭在該店充當監察員方偉卿方濂浦則爲司事似無甚疑竇應據情覆縣以憑核奪

東盛和債案報告

卷十二

十三

營口大清分銀行

廣東商務總會核驗廣來米埠繳簿報股事

關明東廣來司事順德人

昨准南海縣函稱營口東盛和商葉兩田亮卿父子倒欠官商巨款除將該商產業查抵外其廣來米埠兩田父子兄弟均有股份將該埠數簿移請確核茲弔驗原立合同該米埠生意於二十六年始創係葉允生關明東趙曉東三人攬手以關明東爲司事當日集股本一萬一千兩內有廣德泰一千兩葉允生一千兩葉熙庭一千五百兩葉星槎一千五百兩其餘六千之數均屬別姓查葉允生係兩田至親同胞該股本銀應與廣德泰股份悉數提繳其葉熙庭所占之股據米埠司事聲稱與葉兩田同堂五服之親實無干涉至葉星槎之股更爲異鄉異祖迥不相同當將該米埠股份情形博訪衆論均屬分門別戶者且核其所呈各簿亦概無掩飾惟廣來歷年總結溢利八千餘兩其本年月結計至九月確係虧缺數千連前比較實存溢利三千九百六十餘兩既據稟繳數簿亦已逐細覆核則廣德泰及葉允生共二股按照溢利每股攤派三百六十兩應歸併而計該廣來埠宜亟將廣德泰葉允生股本連溢利共繳銀二千七百二十兩另繳廣德泰往來數存儲廣來銀一千四百零九兩八錢似此核實相符可速將該股款項悉數繳縣核收可也

東盛和債案報告

卷十一

十四

營口大清分銀行

廣東商務總會核驗集處廣來米埠提股事

關明東廣來司事順德人

葉勞氏係廣來東葉允生妾

廣德泰葉兩田倒盤經地方官調核各處生意簿據其廣來米埠股內有葉允生占本一千兩現據該股東之妾葉勞氏聲稱家主允生係與胞兄兩田早已分爨分業與廣德泰並無附股轉轉如果爾家主葉允生確無廣德泰合股於事似有分別不能牽混應候函請上海總商會查取確據復到再行核辦一面照縣轉詳以憑酌核合同驗明發還

東盛和債案報告

卷十二

十五

營口大清分銀行

廣東商務總會核驗集處遠隆花生店與廣德泰合股事

李仁沽卽李卓平遠隆司事鶴山人

詢據該司事與廣德泰連號互相搭股該司事既知廣德泰虧累公款迭經官銀行移請核追何以不及早清理致令南邑宰今早派員到本總會會集官銀行代表協追計現應提繳之款廣德泰所占遠隆店股本一千兩自當截實盈虧另存貯遠隆銀一百七十兩概行繳出其廣逢合存下遠隆之款二千五百四十七兩四錢一分雖已將此款先繳二千兩交到本會存貯尙欠之款應歸數准於本月初四日統爲交來以清前項其實裕隆及德記占有遠隆股份各一千兩如果股內有轉轉數目未清可速於本月初五日檢齊各號來往實據當堂核驗則自見的真毋得延緩以貽伊戚切切

東盛和債案報告

卷十二

十六

營口大清分銀行

關鶴舫致南海縣函

敬肅者昨奉鈞諭委將去年查封東盛和葉兩田在粵所佔各號生意股本銀兩曾經繳存商務總會者務列具單送呈以憑轉詳督憲照數匯解各等因茲將廣東米埠等號繳存商會股本銀兩列呈鑒核望乞轉詳督憲照數匯解上海戶部銀行收存備還公款實爲德便至遠隆號花生店續繳之一千四百一十六兩九錢五分四釐原係股本二千兩經商會核實虧贖每千兩得回七百零八兩四錢七分七釐合併陳明肅此敬請助安

敬再啟者去年營口東盛和倒閉經將該號股東所有南北產業查封在案茲據葉兩田面稱尚有禾田三十二畝餘係在北村黃竹歧兩鄉之內謹將圖甲戶口土名及個人姓名開列錄呈冰案懇乞飭差照數查封以便變價抵還欠項并請轉詳督憲備案實爲公便惟該田據葉兩田口稱已抵押鄉內會項欲藉詞狡展爲脫卸之地獨不思營口虧欠數百萬之鉅想仁明洞鑒斷難任其巧脫也肅此

東盛和債案報告

卷十一

十七

營口大清分銀行

再叩助安

至去年查封北村鄉葉兩田父子之祠屋榮經親到查驗仍見葉氏全眷居住礙難變價應請飭差驅逐並將各出入門戶釘封以便召賣

葉兩田北村黃竹歧田畝村名坐落戶籍圖甲個人姓名清摺

計開

四圍一甲黃竹歧埠土名大元洲一坵六畝五分 葉怡安堂契一張已按領 葉約福壽社二百會項

個人袁輝

四圍一甲黃竹歧埠土名壽桃園一坵六畝 葉怡安堂契一張已按領 葉崇德堂二百會項

個人袁生

四圍一甲北村鄉土名韋祠前一坵又小破崗一坵共計十二畝 葉怡安堂契一張

個人何巨豐

四圍一甲北村鄉土名砂底格一坵一畝六分四釐 共二畝四分四釐 葉怡安堂契二張已按領 葉公洛一坵一畝八分

個人陳連基同耕

四圍一甲中村埠土名產塘一坵二畝三分石 共四畝五分 葉怡安堂契二張已按領 葉興戶北村鄉

個人葉滿同耕

東盛和債案報告 卷十一

十八

營口大清分銀行

四圍一甲黃竹歧土名大橋頭四一坵一畝四分釐北腳一坵一畝八分天后廟一坵一畝一分五釐 葉興戶北村鄉

八畝三分五釐 葉怡安堂契二張已按領 南村 葉馮光裕堂四百四十會項

個人葉連娣

四圍一甲北村鄉土名多角一坵一畝三分石 又土名 勸橋脚一坵六分釐 瀆口一坵七分六釐 共三畝四分三釐 葉怡安堂契二張已按領 葉和堂二百二十會項

四圍一甲北村鄉土名 勸橋脚一坵六分釐 瀆口一坵七分六釐

個人陳應光同耕

以上共禾田三十二畝四分二釐原單二張葉兩田親書證據一併呈送南海縣

署存案

葉雨田怡昌貨倉碼頭原置地畝價值起造工程清摺

計開

北便地計八畝七分 每畝生地置價七百二十兩 共計置本六千二百六十四兩

南便地計五畝七分 每畝生地置價一千零五百兩 共計置本五千九百九十五兩

第一次起造 共用工料銀一萬七千八百七十一兩

第二次起造 共用工料銀一萬五千二百三十兩

砌填石地 石碎 共用工料銀四千一百五十兩

倉內起造油池四個 共用工料銀六千四百兩

又大油池一個 共用工料銀三千四百五十兩

又傢具什物 約共值銀二千兩

碼頭浮駁 共用銀六千兩

以上統共連地價起造共值銀六萬七千三百五十兩 今刻下地價騰貴

東盛和債案報告

卷十一

十九

營口大清分銀行

委員周冕爲葉兩田產業事由粵來函

敬肅者上月兩上寸絨度邀鈞鑒所有葉氏祠堂田畝一案業由南海縣查明稟復旋奉督批催繳價銀大約此案於月內可以了結茲將批詞錄呈察核至怡昌貨倉碼頭月初曾由交通銀行梁季典兄紹介一友同往看過價值一層須俟其去香港商定方可開談一有成說當即電請示遵知關廛念先肅奉布敬請台安

附粵督批詞

稟悉既經查明葉兩田產業實係自置分與各子管業其子將契抵押銀會自應責令交出變價償還官款今銀行委員周令既與葉舜琴議定將葉兩田祠屋田畝由葉舜琴繳價一萬元承領應即催令將價銀繳到稟候本部堂電致度支部銀行核復再行飭令匯解一面飭令各銀會將契繳出發交葉舜琴收執並由縣給照管業其葉茂德等按押會項應由值理自向清理毋得藉詞踞契希圖延宕仰廣東布政司轉飭遵照繳

東盛和債案報告

卷十一

二十

營口大清分銀行

關鶴舫由粵上總行監督稟函

敬肅者榮奉委赴粵經於去年十二月念三日由津起程往秦皇島念四即搭西江輪船到煙臺念八晚到滬時近除夕無輪返粵遂於本年元月初三日搭英公司船返港初六到埠適顧公毅翁偕同吳惠常到港爲查辦榮新行事榮即與之會商查榮新行將東盛和所裝桂陽荳子荳油由省轉裝回港之後即將該貨出售除費用外尙餘十三萬餘圓該款理應由榮新行交還東盛和清理債項或繳交粵省督憲轉交我行或商務會方爲正辦詎料去年十一月間突有營口大德通福豐恆義利裕盛長四家在港延請狀師控告捏稱東盛和設有分號在榮新行內並掛有招牌司事爲張姓豫先逃走在營所借四家之款係言明桂陽船到港售出貨項交還等語斯時由港官出票知照榮新而榮新行亦請狀師代理惟據榮新行之狀師稱言該四家係告東盛和並非告你榮新無庸理會並無庸訴稟等情迨隔半月四家復告而榮新仍偏聽伊狀師之言置之不理後經港官判案榮新行以被告不訴藐視公堂有違法律無論兩造誰是誰非先判榮新行有違港例務將桂陽船所沽貨款提存公堂如將來四家得直則該款歸還榮新該四家亦照補利息此大德通等四家去年年底在港控告榮新行之情形也查榮新行之被告不訴至違港例係上了自己所延狀師之當也查香港狀師最壞而華人之當繙譯者尤甚往往爲虎作倀視兩造之情形串同擇肥而噬榮新行之訟不得直者實爲伊狀師所愚也公毅翁與榮等曾延狀師往公堂查閱全案據狀師稱言榮新藐視港例經令提款存堂且榮新行先言東盛和尙欠伊匯款今當堂核算帳單仍是榮新行欠東盛和者有此兩字則將來四家得直可決矣若我行此刻半途插訟告榮新行乎告大德通等乎勝負未卜必須從長計議若著東盛和使人到港遞稟報窮則該款可與四家按數同分而慮營口所封產業亦與伊等同分反不上算查四家在港所告東盛和借款皆非實情且無葉亮卿憑據若能提東盛和司理人到港質證則四家必輸榮對以東盛和倒欠數百萬司理人皆被押斷難提人來港又據狀師所述惟有向四家商

東盛和債案報告

卷十二

二十一

營口大清分銀行

酌同告榮新如訟得直接數均分又慮四家勝訟在先諒不允與我同分也查該四家雖然刻下勝訟惟其口供不甚準確他說東盛和有招牌掛在香港德成行門口是控告而准者刻下東盛和在港已無招牌又無司理人我行告之在後誠恐港官不准惟有找東盛和司理人來港質證可以將其四家之案注銷耳目下惟有一法或幫四家或幫榮新行由彼此狀師會同商酌將款均分且我行有東盛和葉亮卿親書憑據來港討款則榮新行之欠東盛和款項無疑現已將全案留心細查四家將來必得直我行宜早日續控冀可同分此款已上係狀師所述而筆譯之故字語有重複也查此案大德通等在港控告東盛和而榮新行亦已將款提存公堂是大德通等必然得直早晚領款無疑若我半途續告八十萬之鉅與大德通等按數同分諒大德通等不允因與我同分按數攤派伊等所得有限也若我行不續告控則大德通等必勝而領款若我行續控勝負未必且訟必有費是在兩難再四籌思與其袖手讓人領款不若續訟倘訟不勝亦是甘心故榮即於十二隨公毅翁入省十

東盛和債案報告

卷十一

二十一

營口大清分銀行

四趨叩督憲即奉督憲往謁陳廣府據陳廣府稱此案全卷不在府署一處而南番兩縣及商會均有辦理頭緒紛繁實難著手榮與公毅翁商酌先定宗旨分兩層辦法一省城怡昌棧所存之豈子久恐變壞宜由洋務局飭令榮新按市早日出售所售之款先繳商會或洋務局飭香港榮新行所售桂陽船豈子之款由榮具銜稟請督憲照會英領事轉咨香港總督按察司一面由榮到港延請狀師控告一面著榮新遞稟港官以戶部銀行有葉亮卿憑據來港討收該豈款宜歸戶部銀行收領而大德通等又無葉亮卿憑據憑空控告似此會同榮新行合辦或有把握刻下已經洋務局照會前往不料榮返粵感受溼氣脚痛經旬痛苦不堪邇日稍覺見愈再遲一二日即往洋務局接洽即速往港見機辦理以後辦理如何再當奉陳公毅翁定擬念五日往港搭郵船返申轉漢口而北京其中頭緒紛繁之細情公毅翁便能緬述一切榮初六到港後隨公毅翁查辦一切十二入省調查旬日復兼脚疾故遲遲詳告統希見諒是所切禱專此敬請勛安

附呈來往電文葉產清單一摺

東盛和債案報告

卷十二

二十三

營口大清分銀行

香港大德通四家控榮新東盛和欠款銀數單

營口大德通控告東盛和欠銀四萬七千二百一十二元一毫二

福豐隆控告東盛和欠銀二萬零八百三十三元三毫三

恆義利控告東盛和欠銀二萬八千元

裕盛長控告東盛和欠銀五萬六千元

以上四家共控銀十五萬二千零五十五元五毫五

東盛和債案報告

卷十二

二十四

營口大清分銀行

廣德泰葉兩田粵東各號應繳生意股本銀數單

查明廣德泰葉兩田所占粵東各號生意股本前經稟官查封茲將各號應繳股本列後

計開

一正泰與繳來方卓橋名下股本銀二百五十八兩九錢二分八釐 此人和股東

一遠隆號繳來廣德泰存款一百七十四兩 內八錢中平二實一錢一分四釐

一遠隆號繳來廣德泰股本銀七百零八兩四錢七分六釐

一遠隆號繳來廣德泰 代廣 收票銀五百四十七兩四錢一分

一廣來米埠繳來葉兩田名下連溢利銀一千三百六十兩

一遠隆號繳來 鎮江德記 寶裕隆 所占股份銀一千四百一十六兩九錢五分

一遠隆號繳來廣德泰 代廣 收票銀二千兩

以上七柱共計股本銀六千四百六十二兩八錢七分八釐

東盛和債案報告

卷十二

一二十五

營口大清分銀行

統計所收 活出油壹 滙票 兩項銀即由商會交由票號匯滬大清銀行收存計由何號匯

滬列左

計開所匯油壹之款

一由新泰厚匯滬票一萬兩 滙水每千五十四兩 共補水五百四十兩

一由義善源匯滬票一萬兩 滙水每千五十四兩 共補水五百四十兩

一由大德通匯滬票五千七百五十三兩零二分 加水每千五十四兩 共補水三百一十

兩零六分六釐

以上三柱連匯水共支出銀二萬七千一百四十三兩六錢九分

計開所匯股本之款

一由源豐潤匯滬票六千一百二十四兩七錢九分 每千加水五十五兩二錢 共補水三

百三十八兩零九分

連匯水共支出銀六千四百六十二兩八錢八分

關鶴舫來函

敬肅者昨二十二日付郵局遞呈一函料蒙台鑒公毅翁念六往港念七即搭亞細亞輪船赴申稍駐數日由漢口快車晉京矣日前具稟督憲念六即奉批示已據稟照會英總領事榮奉批後即於二十七往洋務處與溫欽甫觀察晤商據溫觀察云經如稟照會英總領事轉致港督宜即往港與訟師商酌先行遞稟榮即領教到港遞稟情形是否控大德通等號抑控榮新東盛和乎並請派人同往以匡不逮溫觀察又云此中如何控告情形即與訟師商酌自能妥善如遞稟後需人商辦一切可即函知定然派人前往會同辦理而榮旋於二十八早往港與深諳英律之友並英訟師商酌據稱此案之關鍵最重者為東盛和前者大德通等之控告東盛和也稱言東盛和有招牌懸於德成行門口司事係張少卿該司事聞營口倒閉即已逃走而榮新所售桂陽輪船油豆之款係在營口借貸辦貨之時言明該貨到港以所售之款抵還者而榮新見有被控官票傳審亦即延訟師商酌據其訟師所言大德通

東盛和債案報告

卷十一

一十六

營口大清分銀行

等係告東盛和耳並非告爾榮新可置不理後經港官判榮新藐視公堂法律即罰榮新將所售桂陽貨款一十三萬元提存公堂將來兩造是誰曲直再行判理此乃榮新被告不訴所致其實反受所延訟師之愚也今我行半途在後續控似於港例無甚把握查閱日前孖士打訟師所開列辦理三策仍屬無此辦法

孖士打者即元月
初六順公齋與吳

之訟師也
之訟師也

查第一

策代東盛和報窮則該款可按數均攤然慮營口所封葉氏之產

業亦須與伊等同分頗不上算第二策提葉亮卿到港質證則大德通等所告皆虛
我行定可得直然東盛和在營倒欠數百萬之鉅葉亮卿被押斷不能以此少數提
其到港第三策會同大德通等合控榮新將款按數均攤惟我所控數十萬之多如
彼此按數均攤則伊等所得有限料大德通等勝訟在先斷然不允然則此三策者
概無效果明矣惟必須思想善法以破大德通之案將其注銷則我行可另控榮新
而領款細查此案最重者係大德通等捏控東盛和有分莊設在香港並有招牌懸
於德成行門口今最要者破其捏控之非並聲明大德通等去年因告東盛和時始

懸招牌若能揭其假情則大德通等不特訟不得直而且有控告之罪惟揭其控告
東盛和香港設有分莊司事爲張少卿一層必須有東盛和之人質證方成信讞此
節葉亮卿既經在營被押不能來港則惟有稟請港官頒給權證紙寄至營口著葉
亮卿在營口英領事處證明香港並無分莊亦並無張少卿之人由英領事葉亮卿
會同簽名寄港便可一訊而了除此外再無捷徑再善者若照此法而辦便可將榮
新提存公堂之款領出惟慮榮新領款之後防榮新有變故取巧必須在先與榮新
將東盛和數目究竟由榮新應交回東盛和若干領款之後照欠數交出無得取巧
方妥以上乃據訟師所商入手辦法之大概如此也今一面由訟師查閱全案及日
前兩造所遞之稟詳慎而辦榮又云此案全係華人之事能否提回華官辦理據云
榮新係香港字號應歸港官權下斷不能提案即照會亦無效果緣訟案歸按察審
判即港督亦無權過問以上係奉督憲批示後往港與訟師商酌之情形也此案在
香港有英例所限經已牽纏數月且枝節橫生一舉一動無不言例苟一言之失則

東盛和債案報告

卷十一

二十七

營口大清分銀行

全案皆失尤爲難中之難者榮叨蒙愛末奉委返粵辦理斯事雖才力不逮豈敢不
竭盡駑力以副台命況事由營起尤當責無可卸伏乞訓示機宜俾遵循有自則事
易就範庶榮稍贖前愆不勝感激之至也茲將大概並督憲批示錄呈外一俟集齊
全案再行請示核辦除照情肅稟總行監督外爲此肅具緣由伏祈鑒察訓示施行
專此敬頌助安

附粵督憲批示一摺

此係戊申正月二十九日之函此函之前尙有二十二日一函緣全文與上總
行監督稟同存目不復錄附記

關鶴舫來函

敬肅者昨月二十八日付呈第二次燕函諒蒙台鑒茲因訟師查得營口大德通等四家控告東盛和與榮新爭收桂陽船油豆之款前因榮新被告不訴經香港按察司批飭榮新藐視法律罰將貨款一十三萬元先行呈繳臬署存貯俟兩造審訊是誰曲直是誰應收該款然後照數給領刻下臬司尙未將兩造控案所爭宗旨判定故尙無期提審大抵約遲半月方能提審細查此案刻下榮新雖然將款提存公堂係因罰其藐視法律所致按西例官訟首重憑據論其兩造案情之虛實大德通等所控皆無的當之憑據而榮新則有向來東盛和來往信件及委代理售貨憑證且桂陽輪船油豆係寄交榮新代售者又查其帳目香港營口兩處分算則香港之帳東盛和仍欠榮新者若合營口怡昌泰香港榮新而核之則又榮新實欠東盛和者今既成官訟自不能混而爲一此件按西例而論則似乎榮新又稍占勝算云云又按西例告帳者先告先得今大德通等已告在先我行半途續告即大德通等勝而

東盛和債案報告

卷十二

一二十八

營口大清分銀行

得直斷不能與我行同分惟有設法將大德通等四家之案打去並將其案註銷方能濟此節公毅翁日前辦理時亦力言非此辦理無效第欲註銷四家之案頗不易辦惟有我行延請訟師代葉亮卿質證並由港官給發權柄紙寄至營口由葉亮卿當英領事之面將事情簽明於誓章之上寄回香港則事可就範而榮新與東盛和營港數目自可督同核算應該若干定須照交查榮新與東盛和帳目營港核算日前由營抄列係七萬餘兩據訟師云我行入手必要按其欠款實數而辦切不可指控桂陽豆款一宗緣東盛和與榮新有帳目爲憑我行係有葉亮卿憑據來港代東盛和收款抵帳者既收款抵帳必核數目方能的當切實也已上據訟師所言如此惟刻下兩造尙未定期審訊榮已先入稟存案矣至於控告之法告榮新桂陽貨款乎抑告代東盛和討榮新欠款乎乞執事電示機宜俾榮遵守以免貽誤是否有當不勝盼禱待命之至除照情詳稟北京監督外專此肅達並請鑒安

關鶴舫來函

敬肅者昨初三日在香港會奉第三次燕函諒蒙台鑒大德通等與榮新行纏訟港官尙未定期審判而榮斯時亦交訟師遞稟存案以便屆期歸併一案辦理旋因駐港守候無期卽於初八回廣州及至初十接奉電示計開函悉港款已請商會自行設法提歸營案辦理公款可望有成怡棧貨物迅速變賣以免霉爛已與商會說妥不必過慮房產如能變價亦速售現銀匯滬諸事請二十前辦妥費神公感飭各等因查怡昌棧之貨去年經官查封及至年底本擬由廣州商會當衆出售不料英領事出而干涉以至中止榮正月到粵時卽請粵官及電請張監督轉電粵督憲將貨物交榮速售以免霉爛後接京電以未便電請官場辦理等因且查東盛和之豆係在去年九月購運返粵本屬新貨豈身潮溼況存棧日久定然變壞雖京電未允電請粵官速售而榮亦經屢次與洋務局溫欽甫觀察商酌亦以速售爲主並由番禺縣劉大令批飭榮新代沽今奉電示公款有成則東號各處產業貨物定然統歸戶

東盛和債案報告

卷十一

一十九

營口大清分銀行

行辦理卽將原電告知洋務局並集商會眼同將貨驗明分上中下三等公估價值卽飭榮新行代售所售之款統交商會存貯現榮新行已將該豈樣子帶回香港招客承受矣昨番禺縣劉大令飭榮新務照原估價值及原來舫兩發售旋據榮新稱言此係代當義務之事非敢苟且至原估價值或所差有限未便拘執以至往返延誤惟原來舫兩此刻定然輕耗俟售妥後出貨之時由商會派人前往眼同辦理此乃怡棧貨物交榮新代售之情形也刻尙未接榮新函知所售若干大抵至快六月內方能售楚卽售楚後出貨交銀亦需時日惟所售之款係交商會存貯似可無容守候提收可否一俟將貨售出約知得銀若干卽便回營未敢擅便若俟銀貨交清非三月中不能辦妥也如何之處望乞電示以便遵行至怡棧碼頭棧房所值若干衆論不一未敢妄告經交商會集衆核議念二日商會係集議之期榮擬再提議覆估務求切實俾將來不至吃虧此次所封葉姓產業由度支部電請粵督飭廣府札交南海番禺兩縣辦理亦有移交商會者且案經交涉洋務局亦有經手頭緒紛煩

皆無正主往謁各官詢查此案之究竟數次僅得一見且彼此推諉皆以未奉上憲命令爲辭今幸商妥速估存棧貨物然已變壞不少矣該貨俟榮新行招妥買客來省再行會同商會眼同辦理至該貨出棧交銀或需時日榮未便久羈呆候到時或能得大概再爲電告請示行止也北村鄉葉雨田父子祠堂一間傍邊住房九所內有餘地稍種花木一統共約計地六七畝之譜按該祠屋原造之時約需三萬金然在村下之房屋一時難找受主若拆卸磚瓦木石出售僅得收回三份之一之價值耳此件祇可從緩設法再辦昨奉手示著榮馳往該鄉找葉雨田晤商究竟能否再籌款項俾早了結榮自到粵後即託其左近鄉里之人再三逢意但能會面商酌自能設法幫忙誓無相害之心並親往近鄉暗訪兩三日經已說妥會面榮首先開言責以鐵路股份僅占十元是誰欺乎去年該鐵路股份報告之時全營債主大動公憤欺人太甚且一虛百虛其餘產業不知隱藏多少故去年亮卿屢受重刑及各事大加阻力皆鐵路十股之所至也倘能切實報明俾我藉此覆命則各事易辦而易

東盛和債案報告

卷十一

三十

營口大清分銀行

了若捨此機會而不和盤托出後日卽有此心恐難見信且去年係上海全體股東代表則十股之輩恐無如此推重卽我至窮亦有千股不過太倉內之一粟耳比之你名譽又若何衡情酌理自問素心想無詞以對迨葉雨田稱言東號倒閉後室家離散該鐵路股份係由商會到公司檢查者非我葉某自報也緣原日所占鐵路共三百股分寫堂名記號者葉維榮之四十股
葉雨田之十股係有名目可查故商會照此報告其餘二百五十股用堂名則商會無從而知榮告以合共三百股亦難取信伊矢口不移卽多方譬喻終無再言榮告以此二百五十股係用某名股票在何處伊稱股票存在上海卽用某名號亦記憶不清後許函至上海查明卽將股票繳交榮又云原日生意鼎盛之時號稱股戶何以並無田畝更爲虛僞且榮日前在營口與各令郎常談亦知有田畝何以今日杳然此又受債主所疑之一大端也伊稱田畝無幾統共三十二畝餘早經分歸各子管業該田係在左邊近村傍云云榮再三盤詰舌敝唇焦堅稱再無別產臨別好言以慰其心旋榮擬捉其歸案審訊奈其年屆八旬屢言此

老命已置度外故未敢擅便隨即電達請示電文計開函電悉屋暫難售貨物商安速估兩田已見面查出田三十餘畝鐵路三百股餘稱無別產應否拿辦請電示鶴各等因刻未蒙電示榮已明查暗訪確實無甚田產即證之往日亦相同至該田三十餘畝非請官追封不能歸併此刻既已確認亦不怕其變故也葉兩田榮已安慰其心許爲幫忙不虞其藏避隨時可以歸案總之怡棧貨物早售一日則不至耗爛廣來米埠等款稟官嚴追勒繳此兩款月內或可得其大概榮應回營否候示祇遵怡棧碼頭房屋價值已交商會再行公估北村房屋一時難售續查之鐵路股份二百五十股水田三十餘畝將來稟官查封一併歸案

此兩款已由兩田查明數字存據

香港大德通等

與榮新訟案撥回營口辦理一節此是正辦惟必要由營口照會英領事轉知港督或有憑據飭令大德通等稟請註銷方能清楚或俟榮到營陳明原委電致港督銷案乃能歸併如若再訟必由戶行與亮卿當英領事處陳明一切派榮爲代表則港款可全歸戶行收領而大德通等必判控告之罪此案現經在各署抄錄文件將來

東盛和債案報告

卷十一

二十一

營口大清分銀行

回營一併呈覽以上所陳望乞鑒核並懇電示行止不勝感激之至專此敬請籌安

關鶴舫來函

敬肅者本月初五付郵局寄呈第六次燕函料已收到所敝怡昌貨倉所存豆油豆子曾經商務總會集衆公估價值並由廣州府陳太守飭番禺縣仍令榮新行代售各節而初六日復奉尊電計開葉商貨棧各貨並前請官查封各件一概速爲變價幸勿再遲售銀若干陸續匯存滬行諸祈早了回營香港款如不得手請決計止辦餉印各等因接電後卽往港催促榮新速爲代沽查原存豆油二千零八十四擔估價十兩零五錢係商會所估後經客人祇還價十兩零四錢本擬不敢照售惟時價不一查之市情尙無出入故卽照十兩零四錢售去一千六百擔計原存二千零八十四擔今售一千六百擔尙餘四百餘擔據榮新行稱言該貨存貯日久不無滲漏短欠且歷來所存之油皆在此大鐵油池之內今一旦清底必有油尾況該油非僅售一客倘按數而沽出貨有先後後來出貨之客恐無貨交不若先售一千六百擔俟出貨後尙存清油若干再爲照售以免轉轉卽市價上落亦所差無幾云據其所

東盛和債案報告

卷十一

三十一

營口大清分銀行

說亦是實情故此照售一千六百擔也菜豆原存三百九十擔商會公估每擔四元四角今已照四元四角沽楚白豆原存三千一百三十九擔由商會同番禺委員眼同覆驗上等者約三成估價每擔四元四中等者四成估價每擔三元下等者三成估價每擔二元五拉價每擔三元三七今已照售拉價每擔三元三五此亦所差有限查該白豆係去年八月底在營辦運來粵本屬新豆初出之際身份潮濕經官查封之後關閉倉內已逾數月所以致壞也卽如查封營口東生怡院子所存之豆亦是變壞何況粵地潮濕之境今已售脫誠爲至幸查封該倉之貨由度支部轉電督憲札府飭縣轉數層榮到粵之日首擬將該貨速售並浼顧公毅翁及電請張監督轉電督憲交榮變價奈事不果行迨後再三與洋務局溫觀察商酌如再延遲誠恐全壞更爲不堪是以浼由商務總會公估價值以昭平允及至客人探觀貨樣之際該倉鎖匙原存番禺縣署遍找三日方得到手此中之曲折延遲不言而喻惟貨雖售去而出貨交銀尙需時日經訂明今日出貨若干明日卽交銀若干並先由

榮新行在粵覓取股實妥保交存商會爲據故卽於初十日發奉一電計開貨已售楚約二萬餘兩遲半月方能銀貨兩清廣東等款已繳五千餘兩餘二千兩轆轤難辦經官比追所得款乞電粵督匯滬榮擬先回營如何電示翌日卽奉電示貨款已電京轉粵督交榮匯滬後回營飭印等因未接電諭之前經已具稟督憲詳明該倉之貨蒙府縣尊飭榮新行售楚約得價銀二萬餘兩又廣東米埠等股本已繳五千餘兩餘遠隆花生店二千兩轆轤未清尙未照繳由南海縣照數勒追懇將貨款及廣東等股本一併飭匯上海戶部銀行收存以備提還公款等詞迨至十八日卽奉督憲回批云貨價二萬餘兩本應如稟匯交上海戶部銀行收存備還公款誠恐榮新非止東盛和股東一人應暫交商會發放生息俟將來定案再爲分別撥交仍照原議以免轆轤云云按督憲之如此批示係誤聽廣府番禺縣偏信榮新稟在先所致榮連日三次晉謁廣府欲將榮新行去年之朦稟及該油豆確係東盛和自己付粵之貨該貨款與榮新無干各節盡情陳述奈三次均未蒙接見迫得十九日由

東盛和債案報告

卷十一

二十三

營口大清分銀行

電奉達台端計開電文貨款奉督憲批候營案定方允匯滬以免轆轤云榮辦理不善現亦無事可辦應否回營請電示榮叩旋卽晚

係二十一日晚

接奉由京電示計開

電悉請兄略等候函到再回飭印各等因想必執事定有卓識機宜賜教在途榮當

遵守辦理也

一怡昌倉榮連日會同商務會監視出貨昨日又復親往查驗計各豆現已出清而豆油已出一千六百擔尙餘油尾雖要再請商會另行估價或再能澄有清油則按清油發售務求不至吃虧所有銀貨數目皆交存商會核理此怡昌倉出貨之情形也

一廣東米埠等號股本前已繳呈商會五千餘兩尙有遠隆花生店股本二千兩卽係廣德泰占有鎮江德記蕪湖寶裕隆兩號之股而兩號復占有粵東遠隆股本二千兩此乃互相搭股致起轆轤曾經商務會一再集訊限期繳據核算乃該遠隆司事一再遷延榮迫得稟請南邑宰傳人押迫迨復押迫之後該司事始照日

前所繳每千虧剩七百餘兩之數繳呈商會計原股二千兩今照每千繳七百零幾兩合繳一千四百餘兩該款亦交商會收存連前共繳存商會六千餘兩按奉督憲批示該款收齊稟覆到日即可匯解等語榮擬稟請南邑宰轉詳照數匯解滬行以了此款至遠隆之互相轉轄經延數月尙不即早清理自取其咎榮擬稟請將該款掃數匯滬以免遷延

一香港桂陽輪船貨款前經大德通等與榮新行互控至今尙未堂訊官訟之難中西一理前奉電示撥回營口歸案辦理榮前經在港由訟師遞稟俟到時再由訟師將情形照覆辦理

一怡昌倉碼頭之枕橋沈沒在岸邊昨由海關照會商會限四天絞起而商會將照會交榮核辦復稟知廣府而廣府又轉稟督憲昨榮往驗無非數十元之費便可絞起也一經西人交涉往往如此

一怡昌倉榮經四週驗視丈量具圖記存查其原日購地築岸起蓋約費十萬元然以今日情形而論總值十五萬元況左鄰芳村地名新築商埠將來該處興旺則怡昌倉之價或可多值且怡昌對面係太古新倉上則芳村商埠下則各洋行棧棧最宜灣泊輪船之處也

一北村鄉葉商之房屋按其原日購地蓋造總值三萬元外今一旦召人承受難覓受主況粵地聚族而居別姓者斷不敢侵入若找其葉姓之人承受即使有力恐不敢占手大約終歸拆其材料而沽若拆沽材料較之原日起蓋價僅得回三份之一耳

一田畝日前據葉兩田當榮親供有三十餘畝惟均經押有會項之款昨榮再親往查勘抄具圖甲耕戶姓名稟請南邑宰照數查封然據供押有會項將來必轉轄甚多在榮愚見必難施以強權假使眞係押有會項獨不思營口之數百萬乎查該田三十二畝有零約值銀三千餘兩已商請南邑宰辦理未悉能堅持到底否耳

東盛和債案報告

卷十一

二十四

營口大清分銀行

榮奉委返粵辦理葉商貨產自愧才力不逮而地方官權無所屬更爲束手有事往
謁數次僅得一見今幸貨物已售楚股本已繳並稟請督憲匯解滬行自忖無甚可
辦之事故昨電請示回營行止今蒙電示著候函到再回自當遵辦謹將情形肅陳
伏祈亮鑒恕榮辦理不善之咎不勝頌禱之至肅此敬叩助安

附抄上督憲稟底並批示

東盛和債案報告

卷十二

三十五

營口大清分銀行

關鶴舫來函

敬肅者日前附呈七號燕函諒蒙鑒閱又日前榮因怡昌倉之貨售楚葉商所佔粵東生意股本皆繳齊並具稟督憲照數提匯滙行存貯旋蒙督憲批示貨款候案定分別撥交股本銀兩俟由縣稟覆到日再行匯解等因且桂陽貨款大德通等與榮新行在港纏訟各執一詞榮雖具稟存案從中行事然按西例須候其兩造堂判之時方能插入正案奈西官仍屬將兩造擱置未理竟成錢債之緩案查香港官訟有因錢債案經審十數堂尙未判定者其訟費已耗一萬數千今大德通等與榮新之案擱置未判不至彼此虛耗尙覺差強人意榮前者具稟督憲照會港官提款旋接駐粵英領事照會稱言此案須由中國派員赴港主控方能辦理等語越境交涉我中國今日之照會難收效果明矣此節經督憲電達張監督酌奪榮因駐粵日久以後又無事可辦是以由電佈告並請示回營旋蒙由京來電飭候函到再回等因謹當靜候示遵現計來電已逾兩旬有餘尙未接奉尊諭豈或中途遺失耶桂陽貨款

東盛和債案報告

卷十一

二十六

營口大清分銀行

大德通等在港成訟前電云提回營口歸案辦理究竟如何提法未蒙訓示論理必須兩造和息銷案方能提回營口而榮新亦應將與東盛和來往數部各據一併提營當官核算乃能清楚易了惟榮新司事原係關冠時副司事關佐臣均南海縣人每事主張均由佐臣把持查此人刁狡異常故怡昌倉之貨本屬去年由商會當眾拍賣而關佐臣並非教民外籍不過因榮新係開設香港地界是以賄求駐粵領事干涉粵官見有交涉因而中止故存至今年卒之殘壞乃允變賣刻下貨已售楚銀已收齊而當道不欲即時匯交滙行者誠以有去年之交涉也昨榮往謁洋務局溫欽甫觀察陳明該貨確係東盛和之物各原委求其設法將款匯解滙行收存伊稱各款已收齊即早晚匯去亦無要緊況該款無幾斷不致因此少數而礙營口之大局云云又面交榮奉天徐菊帥致粵督憲電報一紙查該電稱桂陽貨物經榮新私售得價及由大德通等控告港官經將貨價扣留待領請照會港督務將此款撥來營口或由商會派委人赴港請領歸葉商債案勻攤以便速了等因查桂陽去年由

營裝貨抵粵經粵督憲飭海關扣留而榮新賄贈該船主二千元連夜駛回香港即將該貨起售隨後大德通等控告迨榮新爲訟師所延之華人當文案者所愚致犯港例卽罰榮新將桂陽貨款十三萬元繳存公堂以爲藐視法律者戒至官訟之曲直另行核判云云查原電所稱貨款經港官扣留待領一節似屬誤會蓋大德通等與榮新纏訟數月港官既將該款扣留待領便是榮新曲而大德通等直矣既直便可領款斷無另需他人間接代領也大德通等四家營粵皆有分莊其案中之情節曉然焉有令營口商董誤會稟求道憲轉電來粵之理耶而督憲亦早知此中之轆轤故接電後無從示覆溫觀察卽與榮商酌委榮從中與兩造調處其意先令兩造銷案將款領出歸公存貯隨後將榮新與東盛和數目妥爲核算其應欠東盛和若干卽由所售桂陽貨款十三萬元之內扣還其餘交還榮新以省拖累云云榮奉委卽找榮新商酌適關佐臣回鄉無從商辦查關佐臣此人才狡異常若將港案注銷貨款另由華官公貯度其未必肯允卽其中數目轆轤榮亦不欲與其交手因其險

東盛和債案報告

卷十一

三十七

營口大清分銀行

詐異常南邑宰溫觀察亦嘗與榮言之稍一不慎易爲所愚也故姑且俟之溫觀察云如榮新故意作難卽照電覆徐菊帥以免懸望觀關佐臣之賄囑桂陽將船駛回香港及東盛和確存怡昌倉貨物竟然串弄領事干涉其餘可知現營口已押其怡昌泰司事梁爵卿伊漠然置之另設一號寓於營口裕發之內第此案一日未了則所押之人辛勿少縱若其始終作梗則必另案用強權以挾之倘仍如此遷延未知何日了結也榮擬明日往探大德通看能否商辦然後統復溫觀察再轉復奉天之電也

一葉商前繳附粵各號股本統計六千四百六十二兩七錢八分二釐均存商務總會前奉督憲批以該款俟縣稟覆到日再行匯解一節惟該批文據新舊兩南宰皆云未奉札飭榮復具稟南邑求其轉詳照數匯解然據舊任南邑侯稱言上憲久未札飭照辦大抵仍候貨款一齊匯解也

一北村鄉葉氏祠屋若別姓者斷無人承買若召其葉姓本家暫下未必敢出手惟

有拆卸材料變價而已或者真拆材料之時冀或逼其本家人承買耳

一前查葉雨田尚有禾田三十二畝餘經將該田戶籍圖甲個人姓名開列具稟南
邑轉詳督憲查封在案惟據新任邑宰稱言日前督憲出巡尚未核辦又藉新舊
交卸至今尚未將個人傳齊到案至該田葉雨田捏稱已押會項銀兩榮經具稟
邑宰勿令其藉詞狡卸大抵該田約值三千餘金

榮擬發信後即用電請示行止一俟接奉訓電再行北上肅此敬請助安

東盛和債案報告

卷十二

三十八

營口大清分銀行

營行致商務總會函

敬啓者敝行頃據廣東辦事人來函聲稱東號葉亮卿前交桂陽輪船運港油豆貨物本託榮新行代售共計見洋銀十三萬餘元嗣經營口大德通福豐恆義利裕盛長等四號在港控告港督已准將銀交四號均分具領等因敝行查此款理應提歸營口併案辦理如果各存意見事出兩歧誠恐爭執遲延案難迅結殊與息借公款一事大有關繫應請貴總會勸諭該四號將所領之銀交官存案以作息借公款之抵當而符合同之前議較為妥協諸希卓裁如何辦理尙祈示復是荷專此布達
敬頌台安

東盛和債案報告

卷十二

三十九

營口大清分銀行

商務總會覆函

敬覆者前接貴行函開頃據廣東辦事人來函聲稱東號_{中略}示復等因敝會經邀集衆商及西帮公同勸商裕盛長等四號該四號僉稱接濟公款若能到營桂陽輪船貨款理合遵議併入抵當公款之內以符合同原議若有變動公款不到營接濟桂陽輪船貨款應歸伊等四號另辦等情衆商及西帮亦僉以該四號所稱係屬平允據此擬合函請貴行核奪辦理肅此敬請台安

東盛和債案報告

卷十二

四十

營口大清分銀行

葉亮卿上商務總會稟

具呈東盛和股東兼總司理人葉亮卿爲榮新行經賣桂陽船貨請將價銀查追匯營攤償債款事竊因東盛和聯號五家於去年十月初一日倒欠鉅款當經蒙山海關道憲沈札飭商務總會選舉董事按照破產律清理東盛和等號債務竊查東盛和裝船運赴香港立有和泰名頭於去年九月二十八日由營口裝桂陽輪船油豆係東盛和資本墊辦運赴香港由榮新行經賣所得價銀自應歸東盛和攤償營口衆債戶方爲公允理合稟懇商務總會酌派代表赴港查追榮新行經賣之桂陽輪船貨核明實在得價存銀多少盡數提匯營口攤償東盛和等號衆債戶以昭公允爲此呈懇商務總會查核施行實爲公便謹呈

海防廳朱批

既由葉亮卿具呈簽字應請貴商務總會照准速辦以清債款敝署亦加印證明此照

東盛和債案報告

卷十二

四十一

營口大清分銀行

恆義利等四號上商務總會稟

具稟恆義利大德通裕盛長福豐隆爲在港控追東號債款懇祈轉請匯營公攤事竊因去年十月初一日東盛和等號倒欠商號等債款商號等在香港有東盛和裝船和泰名頭搭桂陽輪船運港油豆由榮新行經賣得價共十五萬一千三百八十八元八角七分商號等各按東盛和所欠債款核追計大德通名下四萬七千二百二十二元二角二分福豐隆名下二萬零八百三十三元三角三分裕盛長名下五萬五千五百五十五元五角五分恆義利財東李序園名下二萬七千七百七十七元七角七分各按核追數目一併叩赴港督憲控蒙提存備領在案查東盛和等號債務前經山海關道憲沈札行營口商務總會辦理所有東盛和等號財產貨物一律變售攤償衆債戶商號等查榮新行所經賣之桂陽船貨款全係東盛和資本所賣價銀仍應如數歸還東盛和攤償債款商號等情願隨衆均攤爲此稟懇營口商務總會公派代表轉請港督憲將東盛和裝桂陽船貨經榮新行在港賣價十五萬一千三百八十八元八角七分如數判交商會代表匯營攤償東盛和債款以蘇債累而昭公允實爲公便

東盛和債案報告

卷十二

四十二

營口大清分銀行

關道沈批

恆義利大德通裕盛長福豐隆四家均是東盛和債戶茲既據呈明願將東盛和所置桂陽船貨歸營口衆商均攤以清債務驗明四家圖章均是實在無訛應加證明此批

委員接辦葉商債案廣東事宜委劄

營口大清銀行爲劄委事案查接管卷內光緒三十三年十月初一日營口葉亮卿所開東盛和等五家聯號同時倒閉短欠本行押借銀兩六十餘萬兩當由前任總辦王電請總行轉電兩廣督憲奉天督撫憲劄飭府縣將該商廣東本籍及營口貨產一律查封備抵並派令本行協理關國榮前往廣東會同商會將葉商自置怡昌貨倉碼頭貨物等件沽價變賣藉歸短欠在案現在葉商所有本籍及營口一切財產貨物人欠之款業經地方官及商會秉公斷歸本行承受由本行給付價銀地方官及商會卽以此項所得價銀除攤還各債戶外餘均作爲抵償本行欠款業經華洋各商全體公認毫無異言是葉商本籍及營口各項財產貨物以及人欠之款既經本行給價承受卽係本行之財產貨物人欠之款自應由本行派員前赴廣東逐項接收迅速辦理以重公款疊據關協理函電急待回營相應另派委員前往交接茲查有分省補用知縣周令冕精明穩練熟悉廣東香港情形堪以派往接管一切

東盛和債案報告

卷十一

四十二

營口大清分銀行

應辦事宜合行劄委劄到該員卽便迅速前往廣東向該協理關國榮逐項接洽交代清楚妥速料理仍將辦理情形隨時具報新任經協理妥籌商辦毋負委任切切此劄

營口商務總會舉代表赴港追提榮新欸委託書

營口商務總會爲委託代表事案查營埠東盛和五聯號等於光緒三十三年十月初一日同時倒欠英美日德俄各洋商並營埠衆華商債欸銀五百餘萬兩經蒙奉錦山海關道沈札飭本總會公舉董事清理東盛和五聯號等債務一切事宜查東盛和裝船名頭和泰號於光緒三十三年九月二十八日並八月二十八日搭桂陽輪船裝油豆運赴香港經榮新行售賣價銀十五萬一千三百八十八元八角七分其原買油豆價銀皆係東盛和資本經東盛和債戶福豐隆裕盛長大德通恆義利財東李序園等四家赴香港督憲控蒙提存備領在案現東盛和債務衆華洋債戶公認攤領福豐隆等四家蓋章稟請本總會公舉代表赴港領欸匯營攤償債欸等情本總會公同衆商委託周冕爲營口總商會代表前赴香港總督案下請將榮新行經賣東盛和之和泰名頭裝桂陽輪船油豆價銀十五萬一千三百八十八元八角七分如數發交營口商會代表周冕匯至營口攤償東盛和五聯號等衆債欸爲

東盛和債案報告

卷十二

四十四

營口大清分銀行

此具書奉託代表須至委託書者

營口商務總會委託代表赴港追提怡昌泰款委託書
營口商務總會爲委託代表事案查營埠東盛和五聯號等於光緒三十三年十月初一日同時倒盆欠英美日德俄各商並營埠衆華商債款銀五百餘萬兩經蒙奉錦山海關道沈札飭本總會公派董事經理東盛和五聯號等債務一切事宜查東盛和帳內有怡昌泰川換兌除淨欠銀六萬八千零九十三兩四錢四分迄未交還查怡昌泰係香港榮新行支設爲此本會公同委託周冕爲追債代表向榮新行總司理人關貫時追怡昌泰所淨欠東盛和銀六萬八千零九十三兩四錢四分如數追償由商會代表周冕匯至營口攤償東盛和五聯號等衆債款爲此具書奉託代表須至委託書者

東盛和債案報告

卷十一

四十五

營口大清分銀行

葉亮卿呈港督稟

具稟商人葉應增稟爲陳明貨款懇恩提歸營口以償債項並請核明往來數目併案分別辦理竊商在營口股開東盛和字號辦運豆子豆油各項貨物到廣州香港兩處發賣於光緒三十年起託香港榮新代爲經理並用和泰公司名目歷年均如此辦法去年商號未倒之前曾電託榮新行向香港太古洋行代租桂陽輪船一艘裝載豆子一萬七千七百餘擔豆油六千三百餘擔貨本共約值營平爐銀十二萬兩左右於去年九月二十八日在營開行直往港粵至於和泰公司與商號名目雖係不同但和泰公司辦運各貨均係商號資本所有和泰公司寄榮新行之信向寫商姓名蓋用商號圖章可據商亦曾在公堂供明去年九月二十八日開行之桂陽輪船所裝貨物可以變價償債在案今既由榮新行在港賣出得價港銀十五萬一千餘元自應撥歸營口債案一併公攤以償債項惟是商號與榮新行向有匯票往來總有長短互欠之處亦乞將香港數目調歸營口併案核明分別辦理再商號並未在港開設分號亦無夥伴在港辦理商號事務商號在香港除榮新行一家有匯票數目往來之外亦無異別家有銀錢數目往來商號所欠各債均係在營口來往所以榮新行在港代賣之貨款應撥歸營口攤還債主以免兩歧所有提還貨款償債並請核明往來數目辦理各緣由除分稟駐營英領事大人及營口道憲外理合具稟陳明

東盛和債案報告

卷十一

四十六

營口大清分銀行

營口恆義利等四號上港督稟

具稟恆義利大德通福豐隆裕盛長爲在港控追東號債款懇祈轉請匯營公攤事竊因去年十月初一日東盛和等號倒欠商號等債款商號等在香港查有東盛和裝船和泰名頭搭桂陽輪船運港油豆由榮新行經賣得價共十五萬一千三百八十八元八角七分商號等各按東盛和所欠債款核追計大德通名下四萬七千二百二十二元二角二分福豐隆名下二萬零八百三十三元三角三分裕盛長名下五萬五千五百五十五元五角五分恆義利財東李序園名下二萬七千七百七十七元七角七分各按核追數目一併叩赴港督憲控蒙提存備領在案查東盛和等號債務前經山海關道憲沈札行營口商務總會辦理所有東盛和等號財產貨物一律變售攤償衆債戶商號等查榮新行所經賣之桂陽船貨款全係東盛和資本所賣價銀仍應如數歸還東盛和攤償債款商號等情願隨衆均攤爲此稟懇營口商務總會公派代表轉請港督憲將東盛和裝桂陽船貨經榮新行在港賣價十五萬一千三百八十八元八角七分如數判交商會代表匯營攤償東盛和債款以蘇債累而昭公允實爲公便

東盛和債案報告

卷十一

四十七

營口大清分銀行

牛莊英領事致香港輔政司函

香港輔政司大人閣下敬啟者接准五月十九號來函內開桂陽船貨一節已轉知
道臺并勸其派各債戶代表員來港與律師商辦此事等因准此本領事不能預知
道臺能否如命循行惟其求本領事將該貨之主人葉亮卿之稟送呈台覽今謹將
道臺公文及來稟一併送上深望尊處准予所請將此事轉詳該管有司辦理為幸
敬請助安牛莊英領事戴比德謹具

東盛和債案報告

卷十一

四十八

營口大清分銀行

牛莊英領事致香港輔政司函

香港輔政司大人閣下敬啟者爲桂陽輪船貨物事曾於本月四號奉函佈達今續詳之現華人商務總會辦理葉亮卿破產事件而葉亮卿係桂陽船貨之主人今該商會議定派代表員前赴香港料理此事本領事曾囑代表員周君冕將印信等件送呈台覽并囑其交託律師辦理而鄙意以託尊臣士得時馬士達律師爲較妥惟周君冕初到香港諸未諳曉至於該件應如何安理尙求貴官指示幸甚專泐敬請台安牛莊英領事戴比德謹具

東盛和債案報告

卷十二

四十九

營口大清分銀行

牛莊英領事致香港尊臣士得時馬士達律師函

香港尊臣士得時馬士達律師鈞鑒敬啟者本埠華人商務總會奉道臺命辦理東盛和等聯號破產物業前係葉亮卿所經理者該商會意欲在香港請有名律師辦理本領事爲彼等所託囑代理債戶之商會之代表員周君冕拜謁台端望求鼎力相助以便控追存在衙門之款卽是控告香港榮新行不合例將桂陽船貨賣去此貨係破產人之物業今周冕帶有各等應要文憑以示實係辦理此事之代表人專託敬請台安牛莊英領事戴比德謹具

東盛和債案報告

卷十二

五十

營口大清分銀行

包利律師致香港輔政司函

輔政司大人台鑒具稟人乃係東盛和號之東主據云願將桂陽船貨賣得之銀

在現已存衙門

匯至牛莊歸牛莊債戶分攤此等文件內指之得直案有四宗顯係牛莊債

戶代牛莊全體債戶所控而得直者此等得直之案係近日經正按察司所判定者現香港榮新行控追存在衙門之款或其銀之一份若該行控案得直祇能將其餘之款交與得直之債戶匯至牛莊倘該行不得直則可全數交與得直之債戶矣債戶所延之律師名亞馬達及士密昨據其回音內云牛莊各號駐港之司事人已

有命令如果追得此款則將此款匯至牛莊總行若如此辦法則牛莊地方官自能將其事妥辦現具稟人及東盛和股友係用兩邊討光之法已可概見矣因彼等串同香港榮新行請德近祿加及德近律師意欲將前得直之案反控藉此欲將存在衙門之全款歸與榮新行鄙意以牛莊官吏欲追還此款應由在香港所得直之牛莊債戶及彼等所延之律師亞馬達及士密及大律師士列辦理爲妥專此敬請台

東盛和債案報告

卷十一

五十一

營口大清分銀行

安皇家律師包利謹具

香港輔政司致牛莊英領事函

戴比德領事台鑒敬啟者接前月四號來函領悉一切頃奉督憲諭將皇家律師十六號所來申呈轉寄台鑒所控之款按察司衙門不能遽然承認若非循例向該衙門稟控不可而控追此款之人必需與人相辯乃合查東盛和股友顯用雙胎法子請爲留意焉此復敬請台安輔政司衙門謹具

東盛和債案報告

卷十一

五十二

營口大清分銀行

李君需來函

逕啟者東盛和粵東債務曾蒙執事派周君爲鶴舫替人屈指將及兩月昨接鶴舫在粵來電接手尙未有人及迭赴貴行探詢卽周君亦無消息惟聞因病勾留滬上不悉確否現周君曾否痊愈曾否起程鶴舫眷屬因見日久事未就緒殊形焦急且知台從返營尙需時日因囑奉書左右可否敦促周君早日赴粵倘周君一時不及抑或懇另派人庶鶴舫可早些卸手總乞執事爲之周全等語但此亦婦人所見如是耳姑爲瀆陳未審能爲之設法否東字號債款早經開派貴行當已函達台端日昨中外旅營紳商聯名蓋章者二百餘人繕具公稟公函分遞道廳兩署及商務總會於未遞稟函之前先挽人商諸西幫曾經允洽惟西幫規矩綦嚴格於成例未便與名蓋章所以稟函均無西幫店號現在稟函均已投遞廳署未有批示商會亦不據函移會祇道署掛批大意謂未有西幫圖書則全體債主未曾認可未便轉詳請釋應由各人聯合西幫一併蓋章再候轉詳刻下復遞道署一稟仲明商量西幫情形及西幫不能蓋章緣故未知將來作何批示想此事非得執事居中斡旋恐難妥辦也

東盛和債案報告

卷十一

五十二

營口大清分銀行

委員周冕由香港來函

敬肅者前在滬留呈寸楮度邀洞鑒昨晨由厚德粵號轉奉電諭謹領一一藉壽台駕尙駐滬江當即電復諒早遞呈惟前此兩電警行未識曾否轉到今將抵粵後遵辦各節詳陳左右冕上月十九晚附廣大就道適與廣州分行各友同船二十七午刻到埠王總辦等均留寓金陵會館是以未往厚德二十八日往關國榮處詳詢一切知前存商會各款計銀三萬有奇已於六月初十止悉數匯申餘事尙無端倪月初晉謁安帥呈閱公牘命見洋務局溫欽甫總辦商辦往晤三次奉帥命派譯員薛令永年同赴香港以便與洋員狀師隨事面商初十晨約國榮一同到港先謁民政司面交函件譚及此案情形須詢皇家狀師名保理者並爲作書先容往商兩次云事關裁判中西官商未便干涉該款須由按察司訊明曲直方可歸直者領出况榮新堂供雖認桂陽船所裝油豆實係東盛和之貨而云東盛和與榮新往來帳內除此貨款外尙短銀五千有奇雖一面之詞不能憑信今葉商請將貨款提營分攤之稟安知非地方官勒逼書寫且稟內並未提及欠款一層亦不能作爲真據至榮新呈案各帳外邊傳有假造之說聞葉雨田從中暗助則雖假亦真今問官狀師明知曲在榮新而大德通等四號及此次商會均未呈驗確實憑證則此案萬難斷結冕等與商再三云商會若再插訟徒多枝節除非由原告狀師函請按察司知會營口領事面取葉商親供並將東盛和與榮新往來各帳究竟誰欠若干由領事核明簽字移送港署庶可作爲真憑實據則下次西十月堂訊時或可即行定案退而告諸原告狀師亦以爲然第連日正與榮新關君磋商伊因股東不在港埠許即函告約十九日回音倘能和平了結似於彼此兩有裨益緣悉義善源港號因押款五萬金與訟三年正元申莊因港商欠款萬金稟追半年均已花去訟費一成有餘催詢狀師屢云即可斷結孰知日復一日莫可如何港友云此間錢債之案拖延更甚狀師必使原被告多一轉折則伊可多一開支卽訟而得直往往除去費用僅得半數而曲者則不堪設想矣是以近來港商均以和解爲維一主義今接電示理應遵辦

東盛和債案報告

卷十一

五十四

營口大清分銀行

惟與狀師商酌云桂陽貨款提存公堂者非因大德通四號之訟而得直也蓋因榮新行三次傳案未到爲不遵港規藐視官長戒耳至該款之應歸誰領仍須訊明曲直方可斷給若將前案註銷則提存之款榮新即可領出雖由商會與大德通四號合詞上控而錢落人手更無把握況榮新本有收盤之說若遵西例告窮不僅桂陽貨款無著卽怡昌泰欠款亦難追繳矣並云民政司係行政之官按察司係司法之官訟案爲司法官獨立之權行政官不相過問囑勿信從致貽後悔等語且探悉西例原告將案註銷則一切堂費被告決不承認原告狀師所收之費亦卽消滅雖再控告一應訟費亦須另行開支若又加一英領所薦之狀師似乎所費更鉅冕材輕識短實未敢草率從事望與滬友之熟悉西律者一爲妥商謀定後行似爲得計冕侯榮新議有成說當再函請主裁惟港事似非旦夕可了久寓客店旅費頗鉅擬卽回省先將貨倉接受且免虛糜歲月想尊意亦以爲然也商會潘李兩董處乞代轉告爲敏專泐敬請福安

東盛和債案報告

卷十一

五十五

營口大清分銀行

委員周冕由香港來函

十八日在港專肅寸緘託申行轉呈度邀鈞鑒冕於二十得榮新回音所有怡昌泰款承認歸繳惟須俟港案了結方能料理此事緣榮新帳上有東盛和欠銀八萬二千餘兩如桂陽貨款歸營商領收則怡昌泰款只能劃抵不能再付等語冕與之辯論再三察言觀色似可畧爲通融然冕究不知東盛和帳內與榮新往來有無欠款且不識商會各董意見若何是以許其函告營口商會俟核復到日再行商辦冕在港度厥案情訪諸輿論若須問官斷結實未可計日而待緣債案件狀師每故意遷延以之牟利且港署民事訴訟除起訴外非隔兩三月不能再訊卽如此案五月初傳訊後現須九月初再能輪到是以有延至三五年而不能了結者與其以有用之財應狀師無厭之求不如商一折中辦法從速和解之爲得也況港署裁判非有確實憑證不可倘由英領事查核帳目而東盛和果有欠榮新之款則四號之訟案恐難得直冕爰令關國榮先回營口將一切爲難情形面陳底蘊並請商會迅將東盛

東盛和債案報告

卷十一

五十六

營口大清分銀行

和與榮新往來各帳詳細核算商定一切實可行辦法賜示祇遵再關國榮經手各事冕一一接洽清晰合併陳明敬請助安

榮新開列各項欠款銀數清單

東盛和欠榮新銀十萬三千兩 餘內有與廣商德再泰欠二萬零八百

怡昌泰欠東盛和銀六萬七千六百兩

桂陽船貨款共沽銀九萬七千兩

東盛和債案報告

卷十二

五十七

營口大清分銀行



怡昌泰欠東盛和銀六萬七千六百兩

桂陽船貨款共沽銀九萬七千兩

東盛和欠榮新銀十萬三千兩

怡昌泰欠東盛和銀六萬七千六百兩

委員周冕由香港來函

敬再啟者冕得榮新回音知非查核各帳不能料理爰於二十二回省不意二十六
大德通港友來省云大狀師擬即日赴營調取憑證屢阻不允邀冕到港設法阻止
緣狀師出門需五百番一天往來以一月計算則所費更鉅遂於二十八到港與狀
師磋商再三始允將營口應辦各事開單由冕託人往取惟所開之單原約今午頓
間往取尚未開出而關國榮已寫定公司船票未能退回冕是以請其先行俟狀師
處取到事單再寄營行核辦一切情形請國榮面陳務乞主裁詳示俾有遵循爲敬

東盛和債案報告

卷十二

五十八

營口大清分銀行

商務總會來函

敬啟者接准關道憲抄交榮新行所寄粵東會館桂陽貨款案情一冊囑敝會送交
貴行逐細查閱如何駁覆之處請閣下於明日午前十句鐘移玉敝會同債戶議覆
關道憲飭知榮新行以俾懾服爲此將案情抄冊函送貴行希卽核奪見覆是爲至
盼肅此敬請助安

計函送抄冊一本

東盛和債案報告

卷十二

五十九

營口大清分銀行

香港榮新行致營口粵東會館函

粵東會館列位鄉台先生大人均鑒敬啟者本月二十日拜接惠函盥誦之下感德殊深示飭敝號將港訟之案與東盛和債戶兩家和平了結第一辦法飭敝號將數呈出香港商會與東盛和旅港債戶代表人核明以平其氣並詢敝號允交銀若干由電奉知以便與營商會及東號衆債戶磋商既蒙大君子以息事爲懷敝號敢不遵命故於本月十二日下午七句半鐘奉呈電文營口粵東會館列翁鑒惠書悉計東號欠敝號銀十萬零二千一百一十兩存港官銀九萬四千六百九十八兩怡昌泰欠東號銀五萬四千四百餘兩另敝號已支出狀師費銀約八千兩今承調停和平了結飭遵一節在敝號自初立心無異經於客冬屢電營商會派員核算早了可以見證茲既飭遵敢不從命伏祈作主先將各數向前途商實如何首肯電復榮新

叩

本月十七日下午接尊電覆示云來電悉債戶堅持甚力未易轉圜再與債戶商議

東盛和債案報告

卷十一

六十

營口大清分銀行

據云寶行應速將存港官銀九萬四千餘兩匯交營口同鄉代收電來關香泉等釋放廣德泰欠寶行來往數款債戶不認官經准理可由寶行追他怡昌泰欠款易於調處墨信詳粵館衆具等諭敬聆電示知東盛和各債戶要敝號先將桂陽船貨存港官之款電匯上營口交會館收貯餘各事由後調停敝號即於十七日下午覆電文曰營口粵東會館列翁鑒來電悉事有頭緒料易了結但港存官銀仍要對家消案乃能取回似此情形轉轍甚多最好商會派全權代表到港核算各數面爲商辦俾得一了百了

十九日下午又接賜來電示云電悉會館集衆再商議調停辦法東怡數連匯水比對寶行存港銀五萬二千六百兩照滙債三成攤派得港銀一萬五千七百八十八兩寶行欠桂陽貨銀九萬四千六百九十兩除派數比對外寶行應交港銀七萬八千九百十八兩公議如此允諾與否電覆會館巧敬聆電示知蒙列翁集衆公議東盛和欠敝號銀一十萬零二千一百一十兩除比對怡昌泰欠東盛和營平銀五萬四

千四百餘兩則東盛和仍欠做號銀四萬七千七百餘兩加回匯水東盛和實欠做號銀五萬二千六百兩照滙債三成派得回港銀一萬五千七百八十兩在桂陽貨項內扣除餘存桂陽貨款銀七萬八千九百十八兩筋做號照數交出互欠各帳一概作爲了事荷蒙列翁苦心調停做號照此而辦俾訟事早日了結做號感銘五內惟做號竊思東盛和扎欠做號銀一十萬零二千一百一十兩另做號已支出狀師費銀約八千餘兩連狀師費用東盛和共欠做號銀一十一萬兩有奇祇得回怡昌泰欠東盛和銀五萬四千四百餘兩以時下營口匯申補水銀一百三十兩申匯水返港補五十五兩營平與港平比對每千兩實得港銀八百一十五兩以怡昌泰欠東盛和營銀五萬四千四百兩折實得回港銀四萬四千三百八十六兩再收回攤派回銀一萬五千四百四十兩共得回銀六萬兩之譜如此辦法則做號受虧實甚難以照辦前戶部銀行委員周冠伯翁帶有營口商會及大德通福豐隆裕盛長恆義利葉亮卿等憑據到港云奉戶部銀行命調停大德通等四號與做號在港爭訟之事和平了結後關鶴舫翁由上海覆返港亦云在上海奉營口戶部銀行羅總辦之命返港協同周冠伯翁調停其事前月初彼此用代表人陶守忠李少亭二人往返磋商十餘天之久仍未就緒後做號將受屈之事及據理而言表白於兩代表知悉並請其將做號與東盛和來往各帳目核算逐條指駁明白洩代表人對周關二君說明再爲往返磋商數天乃蒙周冠伯翁云怡昌泰存營之貨由做號取回怡昌倉被封之貨係怡昌泰之貨亦由做號收回港訟之事將來兩家銷案存貯港官銀九萬四千六百九十八兩由做號收回後交回港銀一十萬元與東盛和各債戶收彼此互欠各數作爲了事如榮新允交出此數則即打電往戶部銀行看各人允否做號斯時未允其十萬之數祇應允九萬元而已惟兩代表人先簽應其十萬元之數著周冠伯翁即電營詢問允否後乃著各人來相勸做號碍於各好友之情乃忍屈相從此事大約周冠伯翁早有電往戶部銀行得悉其事矣接奉電示蒙列翁公議飭做號交出桂陽貨款七萬八千九百一十八兩允諾與否電覆做號若另生

東盛和債案報告

卷十一

六十一

營口大清分銀行

枝節覆答實令列翁難辦有負盛德故於本月二十日上午八點鐘覆電文曰營口粵東會館列翁鑒巧電悉照此辦法敝號受虧實甚求將怡昌泰存營之貨撥回敝號收怡號欠東號數准爲比對兩家銷案後貯港官銀由敝號即將此銀交回七萬二千兩與東號債戶收敝號非有深求實欲受虧少些如蒙允諾仍懇轉請商會派代表來港核算各數俾知敝號受虧不淺伏乞與前途再爲磋商如何電覆榮新恭本月二十二日上午九點鐘得接覆電云來電不甚明白衆議債戶仍持桂陽貨項全數交回之議甚堅前電七萬八千餘兩係我幫友官商會議公電尊處答應後乃向前途磋商尊處是否除各項轉帳目怡昌泰之貨款一概作了實淨出七萬二千兩交回債戶請電覆粵館

本月二十三日正午即覆呈電文曰營口粵東會館列翁鑒來電悉怡號存營貨款敝號收回桂陽貨項交回港銀七萬二千兩與各債戶收所有怡號欠東號之數及轉帳各數一概作了請向前途磋商如何電覆榮新啟

東盛和債案報告

卷十一

六十一

營口大清分銀行

本月二十五日晚再接賜來電示云來電要收回貨款乃交七萬二千兩連日我幫官商與債戶磋商備極困難始有頭緒今債戶議定要實行交出八萬五千兩所有桂陽貨項怡號貨款及互欠各帳一概作了情節信詳債戶既已讓步若不照數交出恐難辦結如何覆拜誦電示知蒙列翁代敝號與東盛和債戶極力磋商而東盛和仍不允相就了結定議要敝號交出桂陽貨款八萬五千兩怡昌泰存營之貨款交出桂陽船貨項七萬二千兩如此辦法敝號受虧不少凡事須存公理而東盛和債戶如此要挾實令敝號爲難實難照辦故

本月二十六日下午四點鐘覆呈電文曰營口粵東會館列翁鑒來電悉東號債戶要敝號交八萬五千兩如此辦理敝號受虧太鉅前蒙惠函欲兩家和平了結敝號感德遵命今債戶將敝號爲難實難照辦懇照敝號前敬電再與前途磋商實如何首肯電覆俾敝號立定主意免致稽時日墨信詳榮新拜云云此電料早達台端驗悉敝號照前敬電之議怡昌泰存營之貨款由敝號收回桂陽貨款交出港銀七萬

二千兩與東盛和債戶收所有一概互欠各數作了再代做號與東盛和各債戶磋商如何電覆矣做號受虧如此之巨猶欲忍屈了結者實感列位鄉先生仁德遠播錫我南針故做號不惜虧此巨資勉從列翁之命庶免訟纏日久阻礙生意事務耳倘東盛和各債戶仍堅持不恤莫可如何也茲將各節列明請列位鄉先生明察

一東盛和札欠做號銀一十萬零二千一百一十兩零三錢三分七釐此是實數另做號已支出狀師費用約銀八千餘兩合共東盛和欠做號銀一十一萬二千兩有奇雖將存港官桂陽船之貨銀九萬四千六百九十八兩二錢四分五釐全歸做號收回仍不足抵填東盛和欠做號之數而東盛和債戶反謂做號串同隱匿且藉上海廣德泰倒閉逃走無數可稽捏稱東盛和欠帳數萬兩不思廣德泰雖倒閉逃走做號代東盛和所交之匯票均有廣德泰信及匯票根底可查甚或同到由港收票之銀號查對亦得況做號舊歲曾屢電營口求商會派代表來港查核做號各數以明做號心存無異東盛和各債戶有疑做號之心當允做號所請即派委代表人來港將做號各數逐條查核指駁則涇渭立判若做號果有通同作弊扶同隱匿雖將做號資本全數充公歸東盛和債戶攤派做號亦所甘心乃營商會不允做號所請藉疑誣捏在做號經被其拖累至生意歇業苦不堪言猶復誣以挾同隱匿藉逃賴欠之冤情何以甘故昨二十日奉呈恭電有如蒙允諾仍懇轉商商會派代表來港核算各數俾知做號受虧不淺之語做號亦知若不將數呈出任其核算難息東盛和債戶之疑心且做號蒙此之冤終不能表白於衆凡事含糊恐有後患是否二做號已代支出狀師費用等項約八千餘兩應歸入東盛和支數因做號自初立心無異故辦事常存公理之心於客冬屢電已有聲明並求商會派員來港核算各數調停早了請觀各電可以見證與訟之事非做號出於本心實東盛和各債戶橫來攪擾逼做號而爲之遂至支出此巨費故應歸入東盛和支數也祈諒之

三被粵官所封大涌口怡昌貨倉油豆沽出該銀二萬六千餘兩另怡昌泰貯該倉白壳豆五百五十擔該銀一千三百餘兩現均貯交粵省總商會候結案乃判歸何

東盛和債案報告

卷十一

六十二

營口大清分銀行

人所收經做號稟准香港華文政務司詳上港督移文廣州英領事官照會粵官存案此款應歸做號收回因此貨舊年九月初已到步早已代東盛和交了匯票按照普通商例大凡人客所來各貨交行上代沽經行上按足貨銀代人客交清匯票此貨即係行上之貨非人客所有茲怡昌倉之貨雖由東盛和八月付來惟做號已代東盛和交足匯票此貨係做號之貨非東盛和之貨也故此貨款應歸做號所收不然將來人客有貨交行上代賣必俟人客所來之貨沽楚買客將貨出清乃能代人客交清匯票如此商務阻滯不能通融辦理商業從此敗壞矣

四桂陽船十月初六日到港之貨係東盛和由營直付來港交做號經理發賣填還墊支出匯票各項有東盛和付該船帶來隨貨信及倉單俾紙爲據且桂陽船係由做號代東盛和與香港太古行租入有太古行收腳單作證非做號私自截留而沽東盛和債戶執葉亮卿之稟爲詞云葉亮卿曾稟營口道府各憲九月二十八日啟行之桂陽船貨款應提歸營口攤派自是正理等語定要做號將存港官之桂陽貨

東盛和債案報告

卷十一

六十四

營口大清分銀行

款全數提匯營口而葉亮卿稟內亦聲明商號凡裝往廣東貨物每於船開之日經電上海廣德泰轉請電榮新行墊支匯票俟貨運到即由榮新行經理發賣歸還墊支匯票之數是則桂陽船之貨非做號私自截留而沽實是東盛和付交做號經理發賣入數抵填墊支匯票之款也明矣茲該船來貨之匯票船未啟行而東盛和之匯票已陸續先到客歲九月二十六七至十月初一日仍代東盛和支出匯票數萬元之譜去年經將東盛和來往數抄呈營商會收祈查便知

五怡昌泰欠東盛和之帳該營平銀六萬七千餘兩應由做號匯解上營照交東盛和收怡昌泰存營之貨應歸做號收回惟做號之未匯上營交者因存粵省怡昌倉之貨被粵官所封存桂陽船貨又被大德通等號控稟扣留如此攪擾將來不知如何及至何日始能了結故怡昌泰欠東盛和之帳待事停妥應交或應比對乃可舉行耳

六以上各情節若以普通商律而論粵官封怡昌倉之貨款及交貯港官之桂陽船

之貨款統歸敝號收回東盛和債戶應派代表人來港將敝號與東盛和等號來往各數核算明白互相比對如東盛和應存多寡敝號照數交出怡昌泰欠東盛和之帳六萬七千六百餘兩卽由敝號匯營照數交足與東盛和收怡昌泰存營之貨卽由敝號收回如此辦法不特本國商律如是卽天下萬國商例亦如是也

七假使敝號向東盛和債戶之議允其將存貯港官之桂陽貨款全數提出匯解上營而東盛和欠敝號銀連狀師費用共銀十一萬兩餘應將粵官封存怡昌倉之貨款二萬六千餘兩交回敝號收怡昌泰欠東盛和之帳存營貨由敝號收回實欠東盛和銀六萬七千六百餘兩照時下營申匯水應計折實港銀五萬五千兩照此比對兩柱共收回銀八萬一千四百兩外而東盛和尙欠敝號帳二萬八千六百餘兩仍要照衆成數攤派回敝號乃合公理

八怡昌泰存營之貨款東盛和債戶既欲將貯港官桂陽船之貨款全數取去則東盛和欠敝號銀一十一萬兩雖將怡昌泰原欠東盛和帳款六萬七千六百餘兩折實港銀尙不足抵填東盛和帳敝號之帳未有東盛和欠敝號銀而仍將敝號所存營之貨取去然後照成數派回之道理故怡昌泰存營之貨款應歸敝號收回此是公理及萬國商場之通例也

九廣德泰欠敝號之帳債戶云不認數以敝號查廣德泰欠帳互爲比對別號已有成案假使敝號亦向東盛和之議除去廣德泰欠帳二萬兩而東盛和仍欠敝號帳連狀師費用共銀九萬兩有奇若債戶云狀師費亦不能入內再除去八千兩則東盛和尙欠敝號銀八萬二千兩有奇敝號亦應收回粵官封存怡昌貨倉之貨款二萬六千餘兩及應比對收回怡昌泰欠東盛和帳六萬七千六百餘兩折實港銀五萬五千兩以抵東盛和欠敝號之帳廣德泰欠滙債均由東盛和所存之款以三成派回然敝號亦廣德泰債戶不應分歧亦應以三成攤派回與敝號收以昭公平以二萬兩而計應攤派回銀六千兩照此議法均在情理之中且順東盛和債戶之輿論矣如連收回怡昌泰存營之貨共應收回銀八萬八千兩之譜

東盛和債案報告

卷十一

六十五

營口大清分銀行

十總而言之假使繳交港官收貯桂陽船之貨銀九萬四千六百九十八兩二錢四分五釐全數交出而敝號亦應收回粵官封存怡昌倉之貨款二萬六千餘兩及應比對收回怡昌泰欠東盛和帳折實港銀五萬五千兩並收回存營貨款抵填東盛和欠敝號之帳廣德泰欠敝號帳銀二萬兩應照滙債三成攤派回敝號收並求商會刻下卽派代表來港查核各數如此情理兼盡矣

以上各節分別呈明請列翁評判其公理如何而已若敝號逐款據公理磋商則枝節叢繁殊令列翁難以代辦故敝號忍屈退讓祇議以收回怡昌泰存營之貨款桂陽船貨款交回七萬二千兩所有互欠各數一概作了惟被粵官封去怡昌泰貯在怡昌倉之白壳豆五百五十擔該貨款亦貯在粵省總商會敝號亦應收回如此辦法敝號祇得回怡昌泰欠東盛和帳連存貨在內折實港銀五萬五千兩及桂陽船貨款除交回七萬二千兩敝號實得二萬二千六百九十八兩二共得回銀七萬七千餘兩而已比之第十節而論又退讓一萬有奇矣如此辦法東盛和債戶仍然不恤定議要收回桂陽貨款銀八萬五千兩所有互欠各數及怡昌泰存營貨一概作了雖云讓步以撥回桂陽船貨款九千六百九十八兩與敝號收實不足抵償怡昌泰存營之貨款假令怡昌泰存營之貨係值銀九千餘兩之數是則敝號祇得回比對怡昌泰欠東盛和之帳折實港銀五萬五千兩而已存港官收貯桂陽船之款全被其提去又將粵官封存怡昌倉之貨款取理除比對之外東盛和及廣德泰仍欠敝號之帳又不照衆成數攤派回與敝號收如此辦法公理何存實以強權壓力而不顧公理顯使敝號爲難勢逼敝號纏訟而已敝號雖欲從列翁之雅命和平了結亦不可得而敝號不得不遵狀師之指誨早日催粟候港官訊判幸而敝號得直不用費此狀師巨費且東盛和欠敝號之帳得如數收足并得回所損失之利權怡昌泰欠東盛和之帳惟有匯營照交若東盛和債戶以強權奪理移文粵督查封敝東家產則敝號惟有據理訴稟近日朝旨以商務爲重諒必粵官亦能秉公據理調處也若港訟之事敝號不幸而輸於大德通等四號敝號亦必據理收回粵官封存怡

東盛和債案報告

卷十一

六十六

營口大清分銀行

昌倉之貨款及應比對回怡昌泰東盛和之帳如尙不足抵東盛和欠敝號之帳此外亦要照衆成數攤派回敝號收此均照公理及萬國商場之通例也此不過據理而言非欲違背列翁之高誼立心纏訟在敝號已忍屈退讓者亦欲早日了結庶免礙於生意事務耳伏乞列位鄉先生代爲主秉公據理代敝號與東盛和債戶力爲磋商敝號不致受虧太巨當惟命是聽但恐東盛和債戶強逼敝號爲難之處不得不先爲據理詳明耳肅此奉達並請籌安香港榮新行字頓

東盛和債案報告

卷十二

六十七

營口大清分銀行

委員周冕由粵致營口商務總會函

營口商務總會諸公台鑒敬啟者前於五月間爲營口東號債案內有香港榮新行及怡昌泰兩款承委冕爲代表赴港領款匯至營口攤償東號各債遵卽前赴香港與榮新行接洽旋由榮新行託人懇商欲將此案和平了結冕以款數懸殊未敢擅專當令榮新行逕與貴總會直接商辦度已接洽茲特將原領委託書並呈稟洋文函等五件寄奉卽乞查收是荷專此布達敬請台安

東盛和債案報告

卷十二

六十八

營口大清分銀行

桂陽貨款案議結辦法

一東盛和與怡昌泰榮新行互相往來帳款現經營口官商公議由榮新行交淨銀七萬五千兩交還東盛和繳還債案

一榮新行所存桂陽輪船貨款歸併在往來帳內一次結清全了

一怡昌泰存營貨款歸商會攤還各債戶存粵貨款由榮新簽字交與廣州大清行

一榮新行應交之七萬五千兩以七萬二千兩歸大清行以三千兩貼補狀師訟費

一榮新應出之狀師訟費歸榮新自認營商應出之訟費狀師費電報等款歸營口

各債戶公攤

一以上五條由官商公議全體認可簽字為據

光緒三十四年議案

山海關道周長齡

裕盛長范宜之

營口大清分銀行總辦羅飴

福豐隆邢耀堂

東盛和債案報告

卷十二

六十九

營口大清分銀行

營口 應朱蓮溪

永惠興謝裕昆

商務總會總理 李恒球

大德玉郭智卿

大通喬智高

粵東會館高鶴友

恆義 利于元春

黃錫瑞堂

關鶴舫由北京來函

敬肅者前月申江會晤後榮因痔瘡復發寒熱加劇步履維艱是以數日未克踵聆雅教迨賤恙稍愈卽謁台端適大駕已前一日往漢矣榮迫得再行調理就痊然後北上乃於本月初八始抵京都旋即晉謁張監督並將粵辦理各事情形列摺呈閱隨蒙張監督飭榮赴營面謁執事今擬卽日赴津俟到津稍留二兩日當卽來營面聆教誨至前委電粵之件茲接前途來函以八十餘兩之昂迫得作罷抱歉之至謹先奉達卽請台安

東盛和債案報告

卷十二

七十

營口大清分銀行

前營行協理關鶴舫在粵辦理債案情形節略

敬肅者竊榮去年十二月十三日祇奉電示即在營起行十四日抵津晉謁鈞座蒙派赴粵辦理東盛和債案遵將公私事件摒擋一切乘車赴秦王島換輪啟行二十八日抵滬度歲於本年正月初四日乘英公司輪船赴港適顧公毅觀察因大德通榮新行控爭桂陽船貨一案到港查辦榮謹隨同辦理因該案驟轉太甚一時未便沾手所以先辦粵東貨產於十二日晉省先至洋務局略商大概即稟謁粵督憲請示一切蒙飭巡捕借榮往晤廣府復至南番縣署商會接洽並將各處案卷調查詳悉後當請官派委會同商會傳集凡有東盛和股東葉亮卿伊父雨田呂國樑等名下股份各號者其核按簿籍如數繳出備抵公款內有遠隆一家其股份係由鎮江德記寶裕隆附入而雨田係該兩號股東雨田所指遠隆股份並非自己名下者惟遠隆事後既未據實陳明且經商會屢傳抗延不到實屬咎由自取迫得稟官拘案照數追繳綜計繳出各股份共銀六千四百餘兩當時辦理情形及縣署商會判詞

東盛和債案報告

卷十一

七十一

營口大清分銀行

均已備詳呈覽此辦理提繳股份銀兩情形也怡昌倉封存油豆各貨榮未抵粵前商會曾登報拍賣因駐粵英領干涉中止榮抵粵決計拍賣無如洋務局廣府疑慮不決再三商榷終未敢允反復焦思仍向洋務局極陳利害謂怡昌存貨英領與我行相爭把持不售惟粵地卑溼又值春天萬一霉變將若之何不如變價存款俟該貨究竟屬誰即以款歸之未為不可若任其霉變無論交涉更難尤知我行公款絲毫為重所有損失英領能任賠償乎否則咎將誰任也矧有一現成比例者桂陽船貨已抵省城折回香港即聽港官裁判今怡昌倉貨物固在我國領土又係華人產業既可查封於先即可售賣於後是皆華官應有特權彼此事同一律易地皆然豈容橫來干預若英領始終把持請直與約曰該貨因貴領事不允出售以致朽壞所有損失應由貴領事擔認賠償如是以理折之彼反己自思必知難而退於是始代稟粵督憲將該款掃數匯交上海部行旋奉批以該款慮有剝葛應俟營案全定再行匯解等語榮自付數月來幾經困難始將各款辦妥若不趕速匯營何以重公款

而副委任往商廣府未允代達再商洋務局詳說原委始邀粵督憲垂聽卽由商會將全款交大德通義善源匯交滬行收存此辦理匯解款項情形也葉氏祠屋田畝貨倉碼頭各產業榮先設法與葉兩田相晤曉以大義當卽交出已分各房稻田三十餘畝粵漢鐵路股票二百五十股此外矢口再無產業榮未敢深信當電請示可否將兩田拘案未蒙示覆而南海縣洋務局僉謂兩田年逾八十拘案虛有不測且正案各人均在營拘禁此舉似可不必榮因未敢造次祠屋祇有現居北村一處榮經會同南海縣商會調取查封原圖偕往履勘大略估計新築時約值銀三萬兩左右惟粵俗聚族而居異姓不易混入且遠在村落招買更難若拆賣材料尤不值得似由其族人備價承受較爲便當八月抵滬復蒙委返粵並准照辦理當有其族人再三商懇由六七千元加至一萬元准其將葉氏所有祠屋田畝一併歸其管業曾代電陳蒙電示須價一萬五千元榮因未允其請另設法覓人承受久無應者此次抵滬蒙電粵准以一萬元承領想已辦妥鐵路股票照存備抵怡昌貨倉碼頭全座

東盛和債案報告

卷十一

七十一

營口大清分銀行

有人還價十五萬元曾據電陳示覆尙須添價惟是粵省頻年商務疲困華商中能置鉅產者曾無幾人雖多方設法前還價者既未增加此外亦無人過問所以尙未售出此辦理變賣產業情形也榮新一案辦理尤難先是東盛和倒後桂陽船方到省城卽原船駛回香港榮新將油豆各貨發賣得價銀十三萬餘元西幫大德通等在港控追營商會從而干預互相糾纏構訟未已迨榮到港延律師控告港官以我行事屬間接未便併案辦理雖蒙粵督憲照會港督並派洋務局委員薛大令永年同往磋商迄無頭緒榮祇得仍延律師設法先行存案無論兩造勝負我行得有權再理卽經港官允准蓋是時兩造競爭甚力我行若再涉手徒啟紛紜不如設法存案爲再訟張本案既存妥粵產亦已料理就緒已六月初旬當電請示行止奉電着候周君冠伯來粵接手再行起程榮候至七月周君帶有營口商會代表證書及駐營英領致港輔政司函件到省榮卽交代一切復蒙粵督憲派委會同赴港辦理交涉再三終無效果榮雖交代仍復同行私念此事若經官了不特徒滋口舌糜費資

財亦且耽延時日不如在外調處較易結局周君之意亦正相同八月當榮瀕行周君囑代達清聽幸蒙許可並着回港協同照辦榮即折回先與周君妥商然後發表意見時榮新大德通等久苦訟累均極感盛德不置當即各派代表晤商榮更密託親友與榮新股東相善者從中極力斡旋且忱以利害舌敝唇焦方漸就範榮新情允繳出銀十萬元所花訟費各自料理上海廣德泰欠榮新之款歸其自辦榮新分號怡昌泰欠東盛和之款准其在東盛和欠榮新之款內比對抵銷怡昌泰存在東盛和院內貨物經營行賣出者將全價給還如能允其辦到彼即交款銷案各等語榮與周君察核情形比較數目尙不相懸再查榮新行實在情形亦不無吃虧之處若求息事甯人似可就此了結據榮新云東盛和廣德泰榮新怡昌泰往來數目如數上開辦妥已吃虧三萬餘兩尙有訟費一萬餘元未計此雖榮新之言未可遽信然大德通等與榮等談及此案所花訟費略與榮新所言相符加以案情棘手深悔前此成訟之非急思息訟所以榮等當詳電呈候核奪旋奉電示以該案歸營商會自辦無庸干涉並著北回榮遵即起程此辦理榮新訟案始末情形也伏念榮此次奉派赴粵辦理東盛和債案以榮新訟案爲最難變賣怡昌存貨次之大德通控之於前營商會爭之於後加以外人干涉枝節橫生榮以非材猝膺艱劇支離瑣碎轉轄糾纏棼如亂絲幾難措手幸仰承鈞誨擊畫周詳並蒙隨時電示機宜遵循有自後得周君來粵遇事就近籌商辦理各事得以大略就緒祇有怡昌貨倉碼頭全座議價未成尙未售出榮新一案辦理已有端倪奈營商會未悉兩造內容之膠轕數月辦理之艱難固執把持迄無成議致使全局未能清結私衷自疚倍切悚慚除將在粵當日辦理東盛和債案實在各情形分詳張瑞兩監督外理合縷陳鈞聽再者榮赴粵將及一年所有往返舟車宿食電報律師各項費用容列清單呈請鑒核合併陳明端肅虔叩鈞安

東盛和債案報告

卷十一

七十三

營口大清分銀行

商務總會來函

敬肅者茲爲榮新行桂陽船轆轎一事其案將近了結現據東盛和債戶山西幫等函開謂榮新行一事前歸和平了結斯時以爲花費不過數千元不意今接香港福豐隆來電與榮新行成案已花過狀師一費一萬一千元刻今銷案仍得花狀師一費五千元方能銷案飭速會寄等云爲思商等去年所扣桂陽船款本爲抵還商款後既劃歸戶部行承受則商等在香港係代人作嫁今既蒙道憲並商會飭兩造和平了結如狀師一費只花數千商等不敢再有別議今費如此鉅款若竟歸於債戶未免吃虧過甚東號之事債戶吃虧情形諒均在洞鑒之中今以代人作嫁之事令各債戶獨吃鉅虧殊非平允之道前後所花一費一萬六千元可否歸於兩造均攤以免債戶獨認其難爲此懇乞商會與戶部行磋商如何均攤之處伏乞酌核施行不勝感激之至等情據衆債戶函稱僉謂被債累已重又攤此訟師鉅費揆其苦況自是實情以衆情深感貴銀行大德維持於先仍懇加惠成全於後不得不據實奉

東盛和債案報告

卷十一

七十四

營口大清分銀行

聞尙祈鑒原察核辦理示復爲荷肅此預請年安

覆營口商務總會函

敬復者頃奉台函內開茲爲榮新 中略 示復爲荷等因准此查敝行抵受桂陽款本有十三萬元之多嗣因廣東會館諸位董事出面調停又經營口關道憲海防廳憲並貴總會暨各幫代表債戶一再商令敝行核減旋經官商公斷令敝行收現銀七萬五千兩內以三千兩歸各債戶貼補訟費以七萬二千兩歸敝行彙抵借款榮新訟費歸榮新自認四家訟費歸各債戶公攤均經各債戶承認簽字業已具報本部堂憲總行在案今各債戶仍請敝行公攤訟費敝行既遵公議情讓於先若再格外吃虧恐干部駁尙乞轉致各債戶謹遵公議原諒下情爲荷端復敬頌歲禧

東盛利債案報告

卷十一

七十五

營口大清分銀行

營口粵東會館來函

敬啟者敝幫榮新一案蒙貴行極力退讓敝會館深為感激頃接香港榮新電稱粵東會館列翁鑒即交安戶行銀七萬五千兩求官銷案一概了結釋人等因為此肅函奉達台端祈為查照如貴銀行接有粵戶行來電乞賜錄一份擲交敝會館以期早日銷案望切施行端此敬敬助安

東盛和債案報告

卷十二

七十六

營口大清分銀行

覆營口粵東會館函

啟覆者頃奉台函內開敝幫榮新中略望切施行等因准此敝行查貴幫榮新行與東盛和糾葛一事荷蒙貴會館諸公竭力調停使兩造得以和平了結實爲全營各商慶幸欽佩之餘同深銘感所有敝行應收之銀七萬五千兩今接廣州分行來電亦已如數收訖茲將來電錄呈卽乞查照是荷端此奉覆敬頌勛安

東盛和債案報告

卷十一

七十七

營口大清分銀行

營行分致道廳商會函

敬肅者前因東號債案內有香港榮新行與東盛和糾葛一事纏訟已久案懸莫結旋經本埠粵東會館諸公極力調停令榮新出銀七萬五千兩歸還敝行借款以期和平了結所有敝行應收銀七萬五千兩今接廣州分行來電業已如數收訖茲將來電錄呈即乞查照是荷端此布達敬請年安

東盛和債案報告

卷十一

七十八

營口大清分銀行

